



五十九

萬曆十九年至廿一年



國權

鹽官談遷孺木著

辛卯萬曆十九年

正月戊朔免朝賀閣臣詣會極門行禮

己亥申時行等請躬享太廟上稱疾不任遣代

壬寅兵部覆兵科給事中薛三才所請核禁衛之賞嚴邊將

之罰上從之

革北路叅將麻承恩

癸卯以訓錄事竣進申時行太師廕中書舍人許國少師王

錫爵少傅王家屏太子太保各固辭遂賜金八十幣四雙  
錦衣衛都指揮同知許茂憚署衛事都指揮使李如楨提督  
街道

命勲衛子弟赴京營練習從巡視科道官辟舉

前軍都督府僉書常胤緒改南京左軍都督府僉書永康侯  
徐文煒改前府

乙巳薊鎮馬蘭路地震

中軍都督府僉書侯之曾為總兵官鎮守貴州協守大同副  
總兵署都督僉事李東暘為鎮朔將軍總兵官鎮守宣府

參將陳汝忠為署都督僉事神機營右副將

丙午陽武侯薛鈺為前軍都督府僉書南和伯方擘為中軍  
都督府僉書

經略鄭洛報甘肅拒路西，不從毀水泉營邊播擊斬八十  
級其炒胡兒青台吉打兒二部，共五千七百帳俱驅出  
塞外

南京中軍都督府僉書寧陽侯陳應詔為左軍都督府僉書  
豐城侯李環為前軍都督府僉書

戊申禮科都給事中胡汝寧奏潘王理堯謂祖靈川王繼叔

祖懷王之後進封父宣王恬炆及理堯俱襲封而弟理堽<sub>堽</sub>亦得封為郡王意在推恩但宗藩要例凡郡王進封親王者子孫除承襲外其餘各依原封世次授本爵不准加封王安得妄請以撓成法乎奉旨名封王仍支將軍祿情法兩全再不必執奏臣竊謂今以後諸宗有請遽抑之則已開其端欲概與之則又嫌於濫得之為非分之榮失之抱不均之歎臣恐紹祖敦睦者詎不如是 上不聽

已酉魏國公徐繼忠為南京中軍都督府僉書

庚戌南京前軍都督府僉事歐繼宗前保定總兵官尹秉衡

南京右軍都督府僉事王化熙為左軍右軍中軍都督府僉事

乙卯前總督陝西三邊左副都御史鄧喬林卒

丁巳榮妃王氏薨

戊午鄭洛報卜失兔駐牧甘肅屢盜邊仍率衆西行應授火落赤共擊斬九十三級大筒級五奪畜產一萬八千有奇甲帳二千六百有奇

庚申 上病目

四川左布政使鄒善致仕加太常寺卿

辛酉鄭王厚烷薨年七十一謚曰恭

前南京刑部尚書王世貞卒世貞字元美太倉人嘉靖丙辰  
進士授刑部主事歷郎中遷山西按察副使備兵青州有能  
聲父總督忤罹禍家居十年隆慶初補官歷右副都御史撫  
治鄒陽累進令秩夙負名節練習掌故雅志不朽所著弇州  
四部稿續稿別集卓然推一代詞宗年六十八予祭葬贈太  
子少保

屠隆曰古之王祥德掩其言今之元美言掩其德王祥不

在能言之科間與談論理致清遠是德掩其言也元美作  
藝苑卮言鞭撻千古格擊當代筆挾清霜舌掉電光天下  
士大夫讀其文想其丰采遠聽遙度必以為輕俊薄夫而  
不知其為人殊長者識無所不綜而量無所不包寬人受  
人感德之聲滿里閭而或不盡聞於薄海內外是言掩其德  
也

癸亥詹事陳于陞為禮部右侍郎仍兼翰林院侍讀學士署  
詹事府

華雲南黔國公沐昌祚章服俟改省給之

甲子工科給事中楊其休等請停減燒造不允

乙丑旌周府鎮國中尉睦榻以捐祿四百石賑饑也

丁卯翰林院編脩鄧以讚為右春坊右中允署國子司業

二期辰朔前四川總兵官李應祥為南京右軍都督府僉事兵

科給事中薛三才論止之

涼州右副總兵陳霞為署都督僉事五軍營左副將

茂威諸番攻新橋圍普安等堡官軍援之乃退

己巳湖廣四州貴州採木畢勞賜各官有差

庚午禮部覆國子祭酒劉元震以國學人少乞行選貢法從

之

署右軍都督府事成山伯王應龍罷

壬申靖遠伯王學禮署前軍都督府事學禮以弟襲兄爵戶

部奏祿例減百石如旁支例減二百石減而不及五百石者

准免

戶部主事王楷請停遣閱視官不聽

經略陝西宣大山西尚書鄭洛辭總督三邊軍務專於經略

從之

癸酉狼山副總兵朱光先為總兵官鎮守廣東

甲戌南京禮科給事中朱維藩請瑞政本御朝講仍召見大臣商用人行政之要部覆上不報

丁亥進鄭洛少保

彰武伯楊世階為右軍都督府僉事

丙子前巡撫大同右僉都御史鄧喬林總督陝西三邊軍務喬林先卒未知也

丁丑甘肅涼州衛見白氣八月

庚辰南京兵部尚書楊成致仕進太子少保  
楚府武岡王顯槐薨

乙酉南京戶部尚書舒應龍改南京兵部尚書

御史劉會請停各省京考不聽

甘肅行太僕寺卿熊瑞削籍初巡按御史崔景榮劾瑞昏耄

例降調瑞奏辨詆景榮聞上警留劉承嗣護援致犯沅河

不及救又通屬吏交際上欲譴景榮以閣臣解竟斥瑞

總兵尤繼先等率兵至蓋刺川值火落赤擊斬百四十五級  
擒十四人畜產三千餘又續斬十一級擒五人

慶府綏德王伸域薨

丁亥命講章仍進其開講俟疾愈行之



戊子命川貴撫按會勘播州楊應龍不遣科臣  
已丑南京工部尚書張孟男改南京戶部尚書  
辛卯南京右都御史袁貞吉為南京工部尚書  
甲午奪前游擊將軍鄧子龍秩念其破緬甸功許從戎自效  
乙未工部左侍郎朱天球為右副都御史  
招降甘肅番族三千餘人

丙申前湖廣提學副使顏鯨卒鯨字  
慈谿人嘉靖丙辰  
進士授行人拜御史按河南廢伊王典楨又辨大興令高世  
儒之誣劾都督朱希孝謫安仁典史起竇慶推官砥行力學

終其身

興化府地震

三月丙朔翰林院庶吉士李啟美為簡討

庚子南京鴻臚寺卿何以尚致仕加太僕寺卿

癸卯陳于陞周世選為工部左右侍郎

順義王椿力克等各西海回巢

甲辰總督兩廣軍務劉繼文為戶部右侍郎

乙巳巡按淮揚御史龔承雲枉道回里被劾調應天府簡較

誠意伯劉世延占人產被論奪歲祿

夜柳州地震

丙午禮部尚書范謙等言秦王誼濂以靖王嫡第三子進襲親王今又欲進其庶兄郡王大違典例 皇上既是科臣之議而前後明旨曰不為例曰以後不許援例請然語行云法自貴近始誼濂原奉國中尉後加封鎮國將軍爵踰五級應改正者未改正而不應加封者乃欲加封何牽附私圖之若此也不聽

丁未前南京工部右侍郎董克封為南京戶部右侍郎總督漕儲撫治鄖陽右副都御史蕭彥總督兩廣軍務兼理糧餉

鹽法巡撫廣東

庚戌申時行一品滿九年進太傅支伯爵倖廢尚寶司丞辭太傅伯倖

提督操江南京右僉都御史陳有年為左副都御史

甲寅禮部左侍郎兼翰林院侍讀學士田一雋卒一雋字德萬將樂人隆慶戊辰舉禮闈第一選庶吉士授編脩歷脩撰侍讀丁丑欲止張相奪情不果予告久之張相敗補原官歷祭酒禮部右侍郎轉左恬澹寡慕居恒辨一介然不以潔自標方予告遽卒予祭葬贈禮部尚書

丙辰夜彗見胃室間尾長二尺

丁巳應天府尹邵仲祿為南京右僉都御史提督操江兼筦軍務

戊午罷南京太常寺卿郭東

兵部購緬酋賞格

泗州護城石隄成

己未南京太僕寺卿楊廷相為應天府尹

庚申羅定州西寧縣大雨雹

辛酉前南京戶部尚書魏學曾為兵部尚書兼右副都御史

總督陝西三邊軍務學曾家居先具疏主戰斥和士論歸之

經略鄭洛遣送符印至家學曾復稱疾不受反印於藩司

太僕寺少卿唐堯欽為南京太僕寺卿

甲子戶部覆御史樊玉衡上屯政四議廣招佃清隱伏嚴稽

核重勸懲命行之

閏三月丙寅朔夜彗入婁宿

申時行次子用嘉贅湖州董氏壬午舉於浙或言其私時行請覆試置不問至是又摘及時行請章貢士准承廕且乞休不允

丁卯禁治邊丁虛報

己巳昌平地震

辛未遼東乏馬發太僕寺金十一萬七千餘給之

壬申上諭內閣以廟享屢代朝講久廢乃左右奸頑之所激

又諭內侍邢銑擅行威福結交宮婢已出之

通政司使朱孟震為右副都御史提督鴈門等關兼巡撫山

西

乙亥慶遠府地震

丙子左通政杜其驕為通政使

副總兵董元鎮為征蠻將軍都督僉事總兵官鎮守廣西

丁丑諭修省

己卯諭責科道官風聞訛上各奪俸歲

甲申予故廣東總兵官中軍都督府右都督張元勳祭葬

丁亥遼東鎮西堡災

己丑令逐游僧

癸卯前撫治鄖陽右副都御史裴應章為戶部左侍郎疾不

赴

是春易州人張世才請採礦章下所司往嘉靖間薊州李昇

嵩縣刁滕言開採命內臣崔文千戶全爵採薪二十萬金  
部主事沈應乾千戶李銳採嵩三十萬金去年易州人周言  
謂採礦無妨陵脈而世才謂易州孤山秋坡去天壽山五六  
百里隔居庸紫荊倒馬三關烏能渡渾河而泄地靈乎

四 丙申朔 上享太廟

先是連東副總兵李平胡等報入犯先出塞襲斬二百餘  
級

戊戌議勘播州楊應龍事時巡撫貴州葉夢熊欲五司改土  
為添悉屬重慶巡撫四川李化龍不以為然因求去不允

庚子南京戶部右侍郎劉繼文為兵部右侍郎

廣西渠荅等十六村原屬武黎廢縣界思明府忠州江州間  
遂占於忠州又江州賄奪自設新寧州以武黎四都隸之因  
改十六村屬焉成七百人

壬寅兵科給事中王德完言「情叵測其言歸而不歸也誠  
恐蓄奸圖逞蹂躪必甚部覆上命鄭洛魏學曾相機調度  
甲辰傳制封德世子常瀆為德王

乙巳夜火星犯箕

戊申南京光祿寺卿沈節甫為南京太常寺卿

壬子京師雨雹

右通政謝杰為南京光祿寺卿

予故慶都伯杜繼宗祭塋

癸丑巡撫廣西右副都御史蔡汝賢為南京兵部右侍郎

甲寅太常寺少卿孫鑛為右通政

丙辰刑部尚書陸光祖為吏部尚書

丁巳閣臣請視朝未允

東上連犯遼東官軍擊斬二百四十七級

庚申南京禮部主事湯顯祖因星變劾首輔申時行欺

蔽天日如吏科左給事中楊文舉賑災通賄禮科給事中胡

汝寧號蝦蟆給事皆時行所黨護也忤旨謫徐聞典史

辛酉遵化天鼓鳴隕石二各重數斤

五月朔漳州府地震

己巳前兵部尚書趙錦為刑部尚書四川左布政使陳棻為

右僉都御史巡撫廣西

復設貴州海防叅將

丁酉入石門路

癸酉江西道御史王之棟論刑部尚書趙錦年老及吏部尚

書陸光祖

議開魁山支河

甲戌漳州地復震雷擊太平路喜峰墩臺

乙亥吏部尚書宋纒卒贈太子太保予祭葬纒字

商丘

人嘉靖己未進士

史車二首魁邊革賞又犯邊擊敗之

丙子國子祭酒盛訥為少詹事

丁丑上視朝

吏部主事周應鰲被論調用

庚辰夜月食

南京刑部尚書魏時亮卒時亮字舜卿南昌人嘉靖己未進

士授中書舍人進吏科給事中使朝鮮轉太僕少卿去復薦

起南京大理寺丞至今官

鄒元標曰先生學、講學而躬行為務昔官中大夫歲租

不能供一飽怡然自若常人砥礪稍被挫折自度計無復

之鮮不回而易心者先生被權臣中錮例不得復用甘守

衡門不一失足公廷持已何嚴也故曰先生儒者之典刑

也

壬午四川四哨番賊作亂官兵擊斬七百餘級

乙酉吏部右侍郎王用汲為南京刑部尚書

南京國子祭酒張一桂為國子祭酒

己丑總督漕運<sup>都</sup>御史周寀為吏部右侍郎右春坊右中允署

國子司業鄧以讚為南京國子祭酒

甘肅隕星二又天降白氣天鼓鳴

壬辰尚賢司丞孟一脉為南京通政司叅議

平秀吉篡日本國秀吉本全州人奴或云慈谿陸氏嘉靖末

從粵盜曾一本而敗亡命日本國王任之善用兵自稱閩白

猶漢大將軍也遂篡立

貴州石阡府龍見

設新貴縣屬貴陽

六甲午朔工部左侍郎陳于陞為總督漕運兼巡撫鳳陽

乙未翰林院脩撰蕭良有為右春坊右中允署國子司業

兵部覆兵科給事中李汝華言順義王之歸原為火落赤之

勢今順義王僅移帳狼灣去仰華寺纔五百里上慮四萬

經略兵止數千原馬價二十二萬止餘十四萬餉費不貲此

時不當求惟先自治須集兵儲餉豫據險要俾戰則勝守



則同之歸不歸第聽之耳

魁山支河成徐州積水縮盡

戊戌太原府五臺交城等縣地震

大理寺卿盧維禎為工部左侍郎

鄭世子載堉引疾辭府事不許

辛丑巡撫福建右副都御史趙參魯為大理寺卿

壬寅陽和城星隕天鼓鳴

甲辰巡撫四川右副都御史李尚思報剿松坪惡番斬獲二

百六十五人

丁未太常寺卿張汝濟為右僉都御史巡撫福建

戊申大學士王錫爵求歸省不允

庚戌慈谿茅家浦涌血

壬子許王錫爵歸省

夜火星犯箕

甲寅大同左衛天鼓鳴

己未巡撫雲南右僉都御史吳定疾去

公安大水有怪形如斗首赤身黑脣二丈有奇所至隄潰

癸亥福州地震

蘓松大水溺人數萬

七月丑廣西南灣地震

先是遼東解額五名附順天皆南人占之御史胡克儉請卷工註邊字著為令

光祿寺丞朱維京言經略鄭洛禦輒為兩可之詞以相愚弄至可慮者洛王和總督魏學曾巡撫葉夢熊主戰抵牾如此能無債事宜洛還朝專委學曾庶得展布報聞

甘肅地震

戊辰工部尚書曾同亨奏定紅器歲造一萬四千八百七十

件柴炭二項刻票為額此外即為續添或不太濫從之

己巳予故工部左侍郎金立敬祭墓立敬臨海人嘉靖

進士授兵部主事歷山西按察使終養後補江西至今秩致

仕

庚午光祿寺卿陳大科為太常寺卿

癸酉起萬世德巡撫

梁雲龍為監軍

巡按山東御史胡克儉劾寧遠伯李成梁去年十月報敗今年閏科到鎮乃襲殺板升漢人二百餘人回值李寧先奔蹂躪死者亡筭或叅跡至大學士申時行許國各曲庇本

兵王一鶚遂半年不覆李寧踪矣并及總督蹇達巡撫郝杰  
兵科都給事中張應登申維岱劉葵曲庇上以懸度責之  
克儉又論左都御史李世達於是左副都御史陳有年等劾  
克儉挾私妄奏鑄二級謫蘄水縣丞

甲戌西寧衛星隕天鼓鳴

南京光祿寺卿謝杰改北

丙子前南京太僕寺卿沈思孝為南京光祿寺卿

順義王捨力克假道言歸復改從鎮羌堡吉囊亦佯服陰購  
套下巡按陝西御史王有功以聞請停順義王歲賞二十萬

資甘肅戰守仍諭其速歸海上諸下亦諭令解解散命議行

之

己卯禮部題山東考官給事中李周策主事楊鳳預泄之御

史李唐以聞乃改給事中劉為楫主事蔡應麟罰禮官俸有

差

唐辰大風寧波紹興松江蘓常濱海潮溢傷稼塗人畜亡筭

明日太倉訛言倭至閉城人爭門而溺甲申復大風

勅南京巡視京營御史兼巡視倉場

癸未浙江福建報日本倭誘琉球入祀許國以聞

工諭部院曰 祖宗設官分職上下相統內外相維官守言  
責各有司存近來或卑凌尊或新聞舊或僚屬而制官長或  
外吏而排閣臣致國事紛 朝綱凌替大臣解體爭欲乞身  
國無其人誰與共理今後有干名犯分抵冒誣蟻典憲昭然  
定不輕貸

乙酉內府各監局匠隆慶初額一萬五千八百八十四人至  
三年定一萬三千三百六十七人上科給事中楊其休言其  
冒蠹今新額外有闕勿補 上命如舊

丁亥福建按察僉事李琯劾申時行十罪曰鹽城訓導龐尚

鴻奏壽宮有水寢不上曰倡尚欲易儲之說示已擁立功曰  
請勅諭禁言路曰司業劉應秋御史章守誠主事蔡時鼎列  
時行罪狀留中不下曰子用嘉冒籍中浙江壻李鴻冒籍納  
監沈璟強汪讓代中曰舍人宋九通賄納京衛經歷不歷俸  
得雙封曰私却光先引寇曰私李成梁掩敗曰擠尚書宋纘  
給事張養蒙曰受胡維新珠寶起用曰納李時孝寶玉免勘  
王錫爵感其接引而攻李植其女為妖蛇所污計作墨陽子  
傳自稱奉道弟子私黃洪憲主考而收其子衡解元排公一  
揚受賄建言使 皇上疑言官樹私宜併罷斥時行引疾許

國謂臬司糾閣臣無例命下部科參議削其籍

癸卯已朔兵科給事中王德完請裁李成梁李如松一門兵權太盛不聽

經略尚書鄭洛言五月以來順義王道歸群疑群起報下失免調兵無據今甘肅飭備如松套諸「蠢動亟行堵截在固原火落赤真相台吉遠遁又歸德過其南渡稱兵拒守俾泥河之堂與亡虞松山之「在賀蘭山後安牧無他志第脩市約慎戰備則寧夏事也延綏於制馭二酋可暫安稍警則報甘肅犄角此延綏事也 上然之

癸卯 皇五子常浩生

甲辰翰林院庶吉士黃輝莊天合王肯堂劉日寧為編脩區大相周如砥林堯俞馮有經為簡討吳鴻功羅棟郭士吉為給事中喬胤徐彥登馮從吾顧際明為監察御史

廣東總兵官朱先廣西總兵官董元鎮互調

鄭洛報「阿亦克等自鎮羌堡出塞

丁未戶部尚書石星改兵部尚書

壬子工部營繕司主事張有德言大禮屆期儀物未備請即圖之 上怒其煩擾奪俸三月諭冊立事俾二十一年舉行

癸丑申時行久在告請申前諭明春冊立之旨報聞  
工部尚書曾同亨請明春冊立母改期不聽

總督倉場戶部尚書楊俊民為戶部尚書

逮黔國公沐昌祚時官兵征緬甸賊忽飛帖云係子粒良民  
賊亦書子粒良民旗於官兵遂退巡撫吳定兵科王德明俱  
劾昌祚

甲寅申時行許國王家屏同請明春冊立不聽謂萬有德自  
其職掌揭首列時行名命中使詰時行先生何比小臣也時  
行奏謝同官列臣名實無預焉故事揭存閣中於是發禮科

時行亟收去衆疑大開

丁巳刑部左侍郎李戴為右都御史兼戶部尚書

己未調巡撫寧夏右都御史鍾化民

庚申邵陞陳有年為刑部左右侍郎

南畿浙江江西山東河南大旱德平知縣崔士榮報災巡按  
山東御史宋應昌召縣丞董用賓問狀災而不甚遂廷質爭  
辨邑人持殘禾斃蝗至者五千餘人應昌寬解之己劾士榮  
失實又叅政荊州俊退有後言兵科給事中王德完謂其非  
是左都御史李世達覆議命其指實戶科給事中吳鴻功亦

言之

瞿九思曰王成豈非西京循吏哉乃亦虛增戶口乎德平之役起於愛民太甚御史亦第論其報勘不實耳而給諫則不得不為紀綱惜且以五千人之德平揚、擁蝗虫而走會城甚矣哉欲以敝履而加首也悲夫孔子曰名不正則言不順信哉是言也

是月各京省主考順天 諭德曾朝楫馮琦應天 諭德陸可教中允余繼登浙江翰林編脩李庭機刑科右給事中梅國樓江西脩撰朱國祚戶科右給事中葉初春福建禮科右

給事中孟養浩禮部主事姜鏡湖廣兵科左給事中張應登禮部主事唐伯元河南禮科左給事中丁懋遜禮部主事陳泰來山東刑科給事中劉為楫吏部主事蔡應麟山西刑科左給事中李獻可戶部主事梅守峻陝西吏部主事麻溶兵部主事于若瀛四川戶科給事中陸尚賢工部主事吳鴻洙廣東吏部主事唐世堯刑部主事葉脩廣西兵部主事胡桂芳工部主事吳宗燾雲南刑部員外郎莫睿戶部主事李開藻貴州刑部主事王命爵大理寺評事黎芳

九  
癸亥朔左僉都御史傅孟春為左副都御史

禮科都給事中羅大紘劾申時行同官閣揭云臣不預知至  
於近事漫無可否但云社稷至計裁自宸衷毋惑群議遁其  
詞以賣友秘其語以誤君乞與臣併斥 上怒謫揭陽典史  
禮科都給事中胡汝寧論許國申時行各有失 上不問  
甲子武英殿辦事中書舍人黃正賓言申時行密揭排擠同  
官醜狀抑至此下正賓鎮撫司廷杖削籍與所奏大相矛盾  
其揭云以請冊立原非其意而輔臣許國代書之總恐犯首  
事之罪而外欲博建立之功萬一激瀆 上怒又將歸咎於  
兩輔惟知排擠同官而不計其詭狀至此乞嚴加罷斥 上

怒正賓卑秩必有嗾使者下鎮撫司獄廷杖削籍

罷甘肅巡撫賈待問宣府巡撫郭四維

乙丑命薊鎮宣府大同督撫官勦叛夷車史二酋

丙寅中軍都督府僉書王化熙為總兵官鎮守廣西

丁卯巡撫保定右僉都御史宋仕為左僉都御史

戊辰鎮守山西總兵官李如松為中軍都督府僉事

經略尚書鄭洛言臣至金城與各道同詰責順義王引罪

使沅河州之事順義王尚在甘州河州之事恨火落赤誤引漢

地今從順義王回巢則套下失兔松下宰賽皆可次第解



散矣

泗州大水滄公署三尺因淮水高於城反灌溺人亡筭浸及

祖陵

已已諭申時行等入直

許國乞休許之國併請冊立母以一夫輕言遂妨廟計仍明

春如期勿改上責其託故要君且又煩激意何也

辛未夜月犯熒惑

羅大紘削籍以各科鍾羽正等乞容也羽正等奪俸有差

壬申大學士許國引疾去

朱國禎曰申時行初無他意謂臣下不失信於皇上而

後可望皇上之從故以此自明冀上之諒而無改舊論

然工之易期匪朝伊夕不待有德之跡二相之揭時行宜

從衆待罪而周旋太過犯此嫌疑故紘正眉之忠自在而

必欲以此實時行之罪則情有可原且亦事理之必無也

癸酉王冢屏求去未允

御史馬朝陽疏救羅大紘奪歲俸

五臺礦盜張守清等前受招又嘯聚黃草梁山劫阜平被勦

勢迫乃降

協守寧夏副總兵解一清為總兵官鎮守山西  
甲戌申時行求去許之

乙亥諭王家屏曰近來假建言傾陷成風朋謀攻擊今二輔  
回籍朕親覽章奏卿可遵旨入直

丁丑大學士趙志臯張位入直

前太子少保兵部尚書王一鶚卒一鶚字曲周人嘉靖

癸丑進士授南京刑部主事歷薊鎮叅政進按察使巡撫順  
天脩墩臺成移宣府貢市成進兵部左侍郎協理京營屢去  
起原官巡撫順天進總督薊遼保定有戰功進尚書入為本

兵加太子少保致仕卒予祭葬贈太子太保

大同總兵官麻貴免

戊寅鳳陽地震

禮部尚書于慎行致仕巡撫應天右僉都御史李濟疾去巡  
撫順天右僉都御史王致祥致仕

嘉興湖州大雨水傷稼折免田租有差

陝西總兵尤繼先罷尋命仍鎮固原

辛巳巡撫陝西右僉都御史葉夢熊移甘肅

閔視延綏大理寺左少卿王世揚為右僉都御史巡撫宣府

兵部左侍郎許守謙致仕

壬午吏部尚書陸先祖言闕臣由廷推令申時行密薦趙志  
臯張位雖二臣之賢不負所舉恐開徇私植黨之門命不為  
例

癸未王基陳有年為戶兵部左侍郎禮部左侍郎李長春為  
尚書禮部左侍郎羅萬化為吏部左侍郎南京光祿寺卿沈  
思孝為右僉都御史巡撫陝西

免真定順德廣平大名旱災田租有差

乙酉鎮守居庸昌平總兵官麻承恩為鎮朔將軍總兵官鎮

守宣府

丁亥巡撫江西右僉都御史任養心改巡撫保定提督紫荆  
倒馬等關

禮部右侍郎韓世能為左侍郎巡撫四川右副都御史李尚  
思為刑部右侍郎

史酋合安免以二千騎犯宣府

鎮守保定總兵官楊紹勳改鎮居庸昌平  
已丑平陽府地震

提督操江南京右僉都御史邵仲祿改巡撫江西太僕寺少

卿父穆為右僉都御史巡撫四川山西按察使成遜為右僉  
都御史巡撫順天左僉都御史宋仕改巡撫應天  
協守大同副總兵倪尚忠為總兵官鎮守保定

十月己朔時京衛官誤聞截俸群入長安門欲訴內閣值工部  
尚書曹同亨而譁兵部尚書石星至方散以同亨弟給事中  
乾亨閱視大同奏減俸也

通政司左通政孫鑛為左僉都御史浙江左布政使蔡國珍  
為南京右副都御史提督操江

丙申歸省大學士王錫爵求終養不許

諭吏兵二部申飭各官

提督四夷館太常寺少卿劉養孟為右通政山東右布政使  
范謙為太僕寺卿

丁酉京城巡捕左叅將宋三省提督京城巡捕官署都督僉  
事

戊戌山丹衛地震壞城郭

庚子戶部侍郎石應岳調南京

辛丑蘄鎮告警命嚴邊備

壬寅王家屏乞發章奏留中者

貴州布政司左叅政王時槐為南京鴻臚寺卿

揚州邵伯湖隄高郵州南北以大風雨水決

乙巳前提督操江右僉都御史胡嘉謨降貴州布政司左叅議南京光祿寺丞董基為大理寺右寺丞

減保定平谷二縣寄養馬匹

南京總督糧儲戶部右侍郎董堯封為戶部右侍郎

戊申南京太常寺卿沈節甫為南京大理寺卿南京太僕寺

少卿王汝訓為太常寺少卿

辛亥太僕寺少卿朱鴻謨董裕為大理寺左右少卿尚寶司

丞周弘禴為少卿

乙卯前南京鴻臚寺少卿王樵補南京太僕寺少卿禮部儀

制司主事唐伯元改尚寶司丞

南京刑部右侍郎余懋學為南京戶部右侍郎總督糧儲太

常寺卿署國子司業張一桂為南京禮部右侍郎

丙辰福建右布政使張明正為南京太常寺卿

太子少保刑部尚書趙錦赴召卒於蘓州錦字元朴餘姚人

嘉靖甲辰進士知江陰進南京御史壬子清戎雲南馳効嚴

嵩下獄隆慶初起家歷今官端方清介推擊權要三任總臺

晚節尤堅年十予祭葬贈太子太保謚端肅

沈一貫曰予嘗謂學者平情於好惡之難見善人而好之見惡人而惡之塗之人盡然何必君子所稱君子者善惡之等萬而善、惡、之等亦萬稱其情實不失錙銖而後謂之平江陵之獄欲縱之與欲深之者其心非盡公其事非甚平而不欲寬之者惟公一人若分宜本公所執手怨入骨髓也而猶白其子非叛撫貴竹時見分宜屠道旁為之咨嗟徘徊屬監司護之乃去此豈以好惡滯於胸者耶此其好惡豈為分宜江陵起耶世之學者一好之終身不忘一惡之終身不忘嗟予得趙公天下不足平矣

己未易州天鳴

庚申太僕寺卿范謙為太常寺卿署國子祭酒

辛酉江西按察僉事朱廷益為南京光祿寺少卿河南左叅政張養蒙為太僕寺少卿

十卅癸亥朔河南左布政使孫鏞為太僕寺卿

解絳地震

丙寅前廣東按察僉事管志道補湖廣按察僉事

朝鮮國王李昞報五月有僧云日本平秀吉併六十餘州琉

球南蠻皆服期明年三月相犯

戊辰彰德 王府火議助建

壬申鑄登萊等處備倭閘防

癸酉猗氏天鼓鳴白氣凝聚

築寧夏河東秦壩漢壩竣大渠北鴛鴦諸湖

甲戌南京太僕寺少卿王樵為南京光祿寺卿

乙亥吉囊以二千騎犯河西游擊姜河拒之斬五級

丁丑巡按廣西御史錢一本請先臣羅倫羅洪先陳真晟曹

端從祀孔廟不允

甘肅山丹等衛天鼓鳴

夜大星隕永昌古城堡

戊寅巡按蘓松常鎮御史甘士价報五六月蘓松大水滄人

數萬蠲折田租有差

壬午鎮守居庸昌平總兵官楊紹勳為征下將軍總兵官鎮

守遼東

癸未禮部薦前 知縣冷逢震請習曆法章下所司

丙戌巡撫山西右副都御史朱孟震疾去

己丑延綏定邊副總兵王保為總兵官鎮守居庸昌平

辛卯琉球國中山王世子尚寧入貢

十二月甲午王家屏乞朔春建儲以塞道路揣摩之口銷牆幃牽

制之私不報

定皇后冢莊田五世百頃不論旁派貴妃冢五世七十頃如

無正派至三世盡入官駙馬都尉冢三世止十頃奉祀

乙未前廣東按察副使穆文熙卒文熙字東明人嘉靖

進士

丙申協理京營兵部尚書兼都察院張國彥為刑部尚書陝

西右布政使呂坤為右僉都御史提督鳳門等關巡撫山西

應天府尹楊廷相為南京通政司使

領南京右軍都督府崇信伯費甲金改領中府都督府

己亥領南京後軍都督府新建伯王承勳改領右軍都督府

罷延綏總兵官杜桐

庚子禮部請建儲不聽

壬寅南京尚書司卿詹沂為南京大理寺右寺丞

刑部尚書張國彥屢被論致仕

南京領右軍都督府新建伯王承勳為提督操江兼管巡江



南京中軍都督府僉書魏國公徐繼志為南京協同守備兼領後府

甲辰夜月犯土星在井宿

萬法寶殿災

乙巳協守寧夏副總兵董一元為總兵官鎮守延綏

丁未王家屏乞免出視朝不報

戊申趙志臯請御朝不報

成安伯郭邦相為南京中軍都督府僉書

己酉以閱視叙各官勞進張國彥太子少保郝杰右副都御

史仍巡撫

甲寅先是禮科都給事中胡汝寧言順天貢士張大典白若鷺應天貢士李應傑錢魁春硃卷可疑乞覆試并吏部推陞王遴孟一脉蔡時鼎事於是考官曾朝節陸可教等各跡辨

道御史馮從吾言汝寧投間抵隙假公濟私非真為

皇上發奸摘伏也

丁巳工部尚書曾同亨致仕

前南京右都御史孫丕揚為刑部尚書戶刑部右侍郎董堯封李尚思為戶部左右侍郎前巡撫四川右僉都御史徐元

恭為南京刑部右侍郎  
庚申王家屏請元旦受朝賀

是年安南黎維潭攻都統使莫茂洽茂洽敗走嘉林縣春社

壬辰萬曆二十年

正月戊朔 上不朝

壬申禮部以胡汝寧所論貢士其卷俱優偶字句訛僻非弊  
也得免試

先是泗州大水輿議不一工部尚書曾同亨乞科臣往勘命

工科右給事中張貞觀往

乙亥濟南青登萊災命稅糧帶徵停徵有差

辛巳禁潞府人沿塗販鹽戶部請之也

壬午禮科都給事中李獻可等請豫教元子言甚切命請獻  
可餘奪俸王家屏封還御札乞寬貸不報

癸未宣西鎮水泉莽刺二捷

甲申吏科都給事中鍾羽正給事中舒弘緒各疏救李獻可  
各請會吏部推饒伸萬國欽皆因國本事 上嫌其瀆該司  
官落職大學士趙志臯申救有旨輔臣家屏希名託疾卿母

效尤王家屏乞罷不報

吏科右給事中陳尚象除名尚象言冊立明旨信如四時諭教不早終無以解天下之疑忤旨

戶科左給事中孟養浩言顯斥言官有五不可上怒養浩疑君惑衆廷杖百削籍

丁亥宣遼東捷

禮部主客主事董嗣成河南福建道御史賈名儒陳禹謨各疏救李獻可忤旨罷嗣成謫名儒

奪禹謨等俸

巳丑禮科左給事中李周策等奏宥謫臣各奪俸戶兵刑工

科都給事中丁懋遜張棟吳之佳楊其休禮科左給事中葉初春福建雲南道御史錢一本鄒德泳並削籍

庚寅王家屏乞宥諸臣禮部尚書李長春等亦言之上切責焉

辛卯諭王家屏徑啟御批故激朕怒沽名逸臥豈人臣之義既有疾可暫假數日即入直

談遷曰世稱萬人逐兔一人獲之貪者悉止分定故也

神廟雖有如意之寵詘於分定遷延未決吳縣以依違失之山陰磯怒犯事君之數屢上書不報視若枝官有無非

重格心之道不其難乎方元子六齡但請出閣豫教  
中宮之開震無嫌寵姬之匹長未啟納牖過巷或無可疑  
自後言國本而羽翼之猜滋甚諫法有五諷其一焉當時  
諸臣並未之逮耳惜哉

太常寺卿陳大科申救諸臣切責之

初御史馮從吾言皇上郊廟不親朝講不御章奏多留中  
不發為困於麴蘖之御倦於窈窕之娛否則何朝政廢弛至  
此極也是日將廷杖從吾以仁聖太后誕辰大學士趙志  
臯揭懇得免

二 壬辰朔錄水泉莽刺鎮羗及西寧石羊等功俘獲計四百斬  
名王一賜經略鄭洛巡撫葉夢熊賈待問等金

戊戌署詹事府事禮部右侍郎陳于陞詹事府詹事署翰林  
院事或訥主禮闈

王象屏再求去不報

山西總兵官解一清覬巡按御史喬璧星禮幣發之罷一清  
談遷曰直指自不受覬而發之則陋矣矧闈帥又不宜以  
壞矧論也假一清有干城之略將二邗棄之哉如其庸且  
怯則指列其事足矣他何瑣及焉

乙巳五臺山曠盜平

協守延綏定邊副總兵王撫民為總兵官鎮守山西

丙午伏羌伯毛登卒

予故巡撫寧夏右副都御史李璋祭塋璋子大興人弘

治進士授刑部主事忤劉瑾杖謫興國州判官瑾敗復

官歷陝西按察僉事沅岷兵備副使平盜以山西布政進

右副都御史鎮寧夏會李福達事忤郭勛廷杖下獄戍雷州

卒隆慶初復官至是以孫必善乞卹典三品未考滿例祭一

塋半命持全塋

南京兵部尚書舒應龍為工部尚書總督河道軍務大理寺

卿趙參魯為刑部右侍郎

丁未翰林院編脩李庭機為侍讀

命廠衛嚴緝間遺者

己酉寧夏卒作亂殺巡撫右僉都御史党馨督儲道兵備副

使石繼芳嘉靖中黃毛一呼拜得罪於其酋來降隸平城

守備斯印麾下敢戰數有功歷官都指揮使萬曆五年以游

擊將軍統標兵家丁千餘得專制寧夏例入衛本兵王崇古

欲遣拜張居正曰彼降夷欲以入衛何震之有拜因自免巡

撫羅鳳翔以其忠勇補原官十年進叅將子承恩承寵義子  
哮塞哮雲哮洪大皆勇悍難制己丑加副總兵致仕承恩襲  
寧夏衛指揮恃所部善戰輕邊卒郊閱視尚賢司丞周弘  
禴薦承恩及守備土文秀等而党馨來開府性嚴刻好筮人  
號党八十初任寧波同知或薦其才張居正曰其人老小  
才刻而且暴是奚能撫大衆既士心不附又覈冒餉拜益怨  
望會諸軍請三年冬衣布花銀業示期而繼芳為馨里戚沮  
之僅給一年悍卒劉東賜許朝等忿而巷議拜等嗾之曰若  
等任為之有我在是日露刃排入撫署馨匿層樓度不免自

下三刃死因往殺繼芳焚各公署收印符發帑釋囚脅總兵  
官張惟忠奏馨等扣餉激變請招安承恩承恩推東賜主盟  
党馨石繼芳俱益都人馨隆慶戊辰進士繼芳貢士

談遷曰余友姚士彝從沈中丞朔方云千總劉東賜以布  
花銀反汗板撫署前鹿角木作念守卒執之悍黨群圍橫  
不可制事起倉卒實非有跋扈之素也祖公賦芋朝三暮  
四党中丞寧不知此耶竟自背其德以七尺委健兒口食  
亦足羞已

庚戌王錫爵求終養不許

追奪故左都御史吳時來謚忠恪補御史楊爵謚忠介以禮部員外郎于孔蕙論時來晚節多疵而楊爵及刑部侍郎陳瓚尚賢少卿孟秋宜謚也禮部謂瓚秋年近先謚爵辛亥總督尚書魏學曾巡花馬池聞變遣張雲部寵諭哮拜等

甲寅南京刑部左侍郎徐元泰為戶部左侍郎江西左布政使邊維垣為右副都御史巡撫江西兼理軍務

經略陝西四鎮及宣大山西邊務兵部尚書鄭洛乞休許之游擊土文秀哮雲以兵五百自中衛互市歸合叛卒殺游擊

梁琦守備馬承光

丙辰賊奪總兵官張惟忠勅印惟忠自經明日劉東暘自稱總兵哮承恩許朝左右副總兵土文秀胡種哮雲左右叅將遣騎出掠執玉泉營游擊傅桓諸將風靡俱遁奪城堡四十餘惟平營叅將蕭如薰堅守不下手射哮雲死賊氣稍奪又王虎等略鳴沙洲將趨河東全陝震動總督檄副總兵李昫攝總兵官進師

茅瑞徵曰始塞上以夷丁敢戰厚糈收養寧鎮為甚而哮氏父子與土文秀等並以降夷握重兵尾大不掉卒致叛

逆議者以非我族類久必多變自今宜用羈縻術處分以  
啖氏為鑒

夜有三星隕閩縣東南

戊午織冬至大祀皮弁衮服十二章

趙志臯乞徵王家屏入直讀廷試卷不報

庚申山西道御史彭好古言今後廷推閣員乞九卿同翰林  
官上切責之

三劫戊巡視兩淮鹽法御史王明言周家橋不可開一開則六  
州縣魚矣宜上尋舊支而殺其勢下滄舊口而廣其塗勿為

且目前貽後日患

甲子免延安慶陽平涼十四十五年帶徵錢糧

乙丑前刑部左侍郎兼右僉都御史閱視宣天山西邊防王

宗沐卒宗沐字新甫臨海人嘉靖甲辰進士授刑部主事累

進今秩學有淵源才優經濟訃聞予祭塋

丙寅陝西霾晦天鼓鳴

戊辰寧夏變聞

己巳賊攻靈州叅將來保拒卻之明日李昫進至橫城游擊  
趙武至鳴沙洲賊鋒少挫遂括子女金帛購套卜失兔着



逆議者以非我族類久必多變自今宜用羈縻術處分以  
啣氏為鑒

夜有三星隕閩縣東南

戊午織冬至大祀皮弁衮服十二章

趙志臯乞徹王家屏入直讀廷試卷不報

庚申山西道御史彭好古言今後廷推閣員乞九卿同翰林  
官上切責之

三 朔戌巡視兩淮鹽法御史王明言周家橋不可開一開則六  
州縣魚矣宜上尋舊支而殺其勢下滄舊口而廣其塗勿苟

且目前貽後日患

甲子免延安慶陽平涼十四十五年帶徵錢糧

乙丑前刑部左侍郎兼右僉都御史閱視宣大山西邊防王

宗沐卒宗沐字新甫臨海人嘉靖甲辰進士授刑部主事累

進今秩學有淵源才優經濟訃聞予祭塋

丙寅陝西霾晦天鼓鳴

戊辰寧夏變聞

己巳賊攻靈州叅將來保拒卻之明日李昫進至橫城游擊  
趙武至鳴沙洲賊鋒少挫遂括子女金帛購套卜失兔着

力免等內犯

辛未大學士王家屏引疾去

南京吏部尚書孫鏞改南京兵部尚書

陝西按察副使朱正色為右僉都御史巡撫寧夏

壬申初鄭洛令順義王縛史酋自贖仍給市賞至是部議如之至於青把都等各夷俱效順仍許市

癸酉寧遠前衛殺掠二百餘人

甲戌吏部尚書陸光祖致仕光祖在事不與避閣臣屢執議見難

乙亥策貢士吳默等三百人賜翁正春等進士及第出身有

差

丁丑命魏學曾馳赴寧夏便宜處置

協守沱岷副總兵董一奎為征西將軍署都督僉事總兵官

鎮守寧夏

戊寅兵部議懸賞格劉東賜自相擒獻待以不死并許朝寧承恩土文秀擒逆贖罪

遼東錦州游擊桓朝翠出塞採木值中伏死之失亡三百餘人

辛巳刑部右侍郎趙參魯為左副都御史  
部右侍郎

傅孟春為刑

壬午兵部右侍郎陳有年改吏部右侍郎

癸未潞王食兩淮鹽以衛輝道遠改支長蘆鹽

乙酉賊攻平、營蕭如薰伏兵南關誘敗之

前順天府尹渭南孫一正卒于祭墓

戊子南京兵部尚書孫鑰為吏部尚書

猗氏縣大雪

四廟寅朔命學遠伯李成梁選宣大山西兵往寧夏從御史梅

國楨涂杰薦也復以前按察副使蔡可賢兵部職方主事趙

夢麟赴督臣贊畫

壬辰定常朝班尚寶少卿列侍讀侍講下司丞列脩撰編簡

下時少卿周弘禴等奏朝班論品則司丞宜史官上脩撰隸

竑等駁証詳甚禮部謂歷科恩榮宴登科錄俱史官先司丞

寺丞乃定

癸巳館陶天鼓鳴

甲午提督操江南京右副都御史蔡國珍為左副都御史回  
院前提督薊鎮軍務右都御史兼兵部右侍郎塞達協理京

營戎政

陳州衛軍謹

丁酉南京工部尚書袁貞吉為南京兵部尚書總督倉塲右都御史溫純為南京吏部尚書順天府尹王體復為右副都御史巡撫貴州前南京戶部右侍郎顧養謙為兵部右侍郎兼右僉都御史總督薊遼保定軍務

逆丁莊禿賴等部落入犯鹿臺寺守備劉泗都司蕭如蕙拒之次日攻趙家山等寨蕙等又卻之乃退

攝慶府事鎮原王仲垣等乞官劉東暘等仍命本道隋府為

巡撫其詞甚悖蓋賊脅之也

戊戌吏部右侍郎兼東閣大學士張位入直

靖江王履燾薨無子

己亥總督河道潘季馴言臣領河事者四矣總之水性不可拂河防不可弛地形不可強治理不可鑿人欲棄舊為以新而臣謂故道必不可失也人欲支分以殺勢而臣謂濁派必不可分也去秋霖霖水漲物議遂騰寧知漲必自消乎工部言季馴習河事言當不謬但運道切民宜勘河給事中張貞觀及督河撫按舒應龍陳于陞等公議之



朝鮮報倭數百艘犯釜山勢極甚釜山近日本對馬島通互  
市平秀吉遣渠帥行長清正義智僧玄蘓宗逸等襲之陷慶  
尚道渡臨津掠開城朝鮮大潰

庚辰司經局洗馬兼翰林院脩撰楊起元疾去

命保定總兵官倪尚忠移天津領二鎮防倭

遵化城軍譁

復黔國公沐昌祚章服

叙順義王縛叛功進總督尚書蕭大亨太子少保巡撫大同

邢玠右副都御史

癸未南京刑部尚書王用汲致仕

甲申巡撫浙江右僉都御史常居敬遣叅將楊文以千人助

討嗜氏

乙酉免寧夏副總兵李昫

丁亥勘河工科給事中張貞觀言泗州受浸今泄淮亟關

海口積沙而泄淮不如殺黃水於合淮不如殺於未

合至廣其入海之道自鮑家口王家營至魚溝金城因下涿

利導之似當併議從之

酉刻一星自天中涿西南色青白尾有光

覆試貢士王兆河等六人屠大壯聞喪未至削籍餘如故  
戊子南京大理寺右寺丞詹沂為南京太常寺少卿四川按  
察僉事張世則為陝西行太僕寺少卿

六月丑朔巡撫湖廣右僉都御史李楨為左僉都御史回院  
折泗州田租三年每石五鍰不為例

賜魏學曾尚方劍副將以下不用命者聽法時旨詰學曾討  
賊未效致「助逆

庚寅遼東發兵三千人以副總兵祖承訓游擊史儒往援朝  
鮮巡撫郝杰言朝鮮切望義師若次鴨綠江未敢前進如失

望何遂命亟往

壬辰兵部郎中王謙為太僕寺少卿兼河南道監察御史閱  
視保定等處軍務

惠安伯張元善以侵地奪歲祿

右軍都督僉事尹秉衡練南北兵防倭

丙申順義王捨力克貢馬五百

丁酉逮寧夏副總兵李响奪總兵劉承嗣官從軍自效

己亥順天府丞郭維賢為右僉都御史巡撫湖廣提督軍務  
總督倉塲右都御史李戴為南京工部尚書兵部右侍郎周

世選為左侍郎協理京營戎政

庚子蠲河東河西今年屯租

魏學曾遣總兵張傑入寧夏諭賊不出  
辛丑光祿寺少卿魏允貞為順天府丞

巡撫陝西右副都御史沈思孝改巡撫河南以工科給事中  
侯慶遠謂南人未習邊事也

復莊禿賴明愛台吉市賞

甲辰犯甘肅總兵楊濬擊斬七十級

前右副都御史姚繼可起原官巡撫陝西贊理軍務前左都

御史辛自脩為南京刑部尚書戶部左侍郎徐元泰總督倉  
塲

丙午官兵渡河明日薄寧夏攻城不克

前戶部尚書王廷瞻卒廷瞻字稚表黃岡人嘉靖己未進士  
除淮安推官擢河南道御史歷今官年七十二

總督魏學曾言「已聽撫出邊賊勢窘求招安原任總兵張  
傑且議請撫臣朱正色入獻黨惡宜調回沅州防秋兵以備  
火落未諸」上謂賊未下何遽言散兵調將也旨議下兵

部



丁未選翰林院庶吉士王象節李名芳劉孔當沈澗劉生中  
李騰芳何能祥高克正楊繼禮姬文蔚韓燝鄒廷彥陳維春  
馬文卿張同德趙之翰林應元陳懿興  
戊申朝鮮報斬倭百有十級

宣大簡兵萬六千人求遣大臣理餉

己酉總兵董一奎李昫麻貴報參將馬孔英等擊平北遁賊  
入寧夏擊斬百十八級

壬子工部右侍郎盧維禎為左侍郎大理寺卿宋應昌為工  
部右侍郎河南布政使李願為右僉都御史巡撫順天整

飭薊州邊備

夜金冰土三星聚於井

癸丑吏部左侍郎羅萬化為禮部尚書禮部右侍郎趙用賢  
為左侍郎

命總兵蕭如薰同董一奎討賊

乙卯兵部請擇威信服下大臣經略寧夏又擇知兵文武大  
臣援朝鮮命廷議

丁巳改總兵官董一奎鎮守陝西蕭如薰鎮守寧夏各易勅  
以一奎威望著於沅岷為秋防計也

七朔午朔鑄儀制司管理王牒關防

己未吏科給事中李汝華論禮部尚書李長春爭枚卜禮部  
左侍郎韓世能非大受器兵部左侍郎王基歷任狼狽俱當  
罷李材講學無實又蔡可賢袁黃俱非其才章下吏部

巡撫遼東右副都御史郝杰報倭渡大同江朝鮮國王李昖走  
入遼拒之不仁納之難處兵部議令據險要待援召通國勤  
王之師詔從之昖棄王京走平壤子臨海君肆順和君珏被  
執倭又發請康恭僖二王墓渡大同而西昖走義州告急願  
內屬不許

命南京工部所輸司禮監木植如北部員買給直母賈販

壬午大理寺左少卿董裕為右僉都御史撫治鄖陽

右春坊右諭德兼翰林院侍讀曾朝節為國子祭酒南京翰

林院侍讀學士余孟麟為南京國子祭酒

甲申罷總督三邊軍務兵部尚書兼右都御史魏學曾

乙酉張養蒙曾乾亨為大理寺左右少卿

丙戌宣延綏之捷

兵部右侍郎賈三近卒三近字德脩嶧人隆慶戊辰進士選  
庶吉士授兵科給事中歷今官未赴予祭塋

丁亥巡撫寧夏右副都御史葉夢熊為兵部右侍郎總督陝西三邊軍務改賜尚方劍

是月鷓鴣鳥集南昌永寧寺屋上高二尺餘如鳥人面四目有耳見則旱

八 朔子朔日講官禮部左侍郎韓世能請告并請滿考廢叙許之吏部以世能屢被劾非政體

命固原甘肅延綏寧夏兵屬總兵蕭如薰而麻貴副之宣大山西遼東兵屬李如松餘兵屬總督俱聽節制軍法從事叙廷綏出塞功進總督魏學曾太子少保世錦衣衛副百戶

巡撫賈仁元進兵部右侍郎世百戶總兵官杜桐世本衛指揮使餘陞賞有差

夜啼承恩乘間決隄購魏學曾斬守隄都司吳世顯

庚寅土魯番地面番王哈刺哈失貢方物

辛卯張位上戎器要略八事攻城要略二十事命下督撫議行

戶部左侍郎董堯封平堯封字 河南人嘉靖 進士

除推官進御史歷都御史巡撫甘肅南京戶工部右侍郎改今官未任卒於冢予祭塋

副總兵官延綏參將張剛為總兵官鎮守陝西

速前總督魏學曾監軍御史梅國禎奏原任按察僉事隨府墜城下我兵不前賊執府上城斷我糧道殺掠不以報也

上念師老無功又科給事中許子偉等劾其主款自誤

故有是命初兵部尚書石星東學曾曰非常之變党蘭憲實自致之不佞老矣僅一襁中兒誠不欲以濫殺種禍彼能束手則死囚數人足代了事也

于慎行曰攻城之法有當急有當緩夫在我為老師在彼為窮寇張一面之網以移其必死心其城可破也激之則

敗矣在我為聲罪之師在彼有不赦之辟急之則變從內生不戰而潰緩之則彼得為謀其勢日成故不可不急也朔方李氏之變使總督之臣提兵急趨掩其未備數夕之間可以授首而游卻無定逗撓不前師老財殫賊勢日盛向非國家福力廟社之靈其不為唐之北庭宋之靈夏者能幾何哉

壬辰右春坊右諭德陸可教為翰林院侍讀學士署院事命行人薛藩勅諭朝鮮

遼東副總兵祖承訓敗報至倭入平壤游擊史儒把總張國

恩馬世龍等俱傷官兵失利

前臨派副總兵原進學以失律戍邊

癸巳詹事盛訥為禮部尚書署詹事府事

前總督薊遼顧養謙為兵部右侍郎禮部右侍郎張一桂為

左侍郎詹事范謙為禮部右侍郎仍直經筵

甲午着力免遺書呼拜約騎三萬餘渡河相助官軍得書巡

撫朱正色命為備李如松蕭如薰李寧等擊敗之斬二十五

級擒十四人奪高產千一百有奇又連賊萬餘渡河仍率麻

貴馬孔英等斬九級

漕運總兵懷寧侯孫世忠疾去南京守備魏國公徐惟忠劾

免

兵部主事袁黃劉黃裳從東征贊畫

豐城侯李環領右軍都督府

辛亥楊克恭獻策召募江南沙舡沙兵兵部覆兵科都給事

中許弘綱等言添設備倭都督游擊各一授克恭署指揮僉

事充海營中軍官前往召募

壬子許經略宋應昌便宜行事本部主事袁黃劉黃裳從行

贊畫發太僕寺金二十萬治械砲

癸丑新建伯王承勳為總兵官提督漕運

甲寅定西侯蔣建元領南京後軍都督府

乙卯暫停泗州河工

丙辰豐城侯李環領右軍都督府尋提督操江

禮部右侍郎兼翰林院侍讀學士張一桂卒一桂字穉圭祥

符人隆慶戊辰進士選庶吉士授編脩進侍講右諭德主順

天試中斐語調南京兵部員外郎庚寅轉南司業歷今官卒

於永城年五十三直諫嚴予祭葬

九月未太僕寺卿孫鏗疾去

命葉夢熊罷招安之議

右軍都督府僉書武進伯朱世領南京左軍都督府南京

左軍都督府新寧伯譚國佐為前軍都督府僉書

庚申戶部左侍郎徐元泰以正二品服俸莞兵部左侍郎

起褚鈇工部右侍郎

領南京後軍都督府定西侯蔣建元協同守備南京

癸亥補故禮部右侍郎張元楨謚

甲子工部主事樂元聲言大學士王錫爵經年魁一方張倭

夷交訏必當卧不安枕乃屢召屢辭毋乃謀社稷者輕乎宜

聽其去 工切責之

鑄防海禦倭軍務都督及大同東路管糧同知關防  
官軍入寧夏南城寧夏重險曰南城大城時退諸將力攻  
城薛永壽等內應我乘之總兵牛秉忠年七十賈勇先登梅  
國楨呼諸將曰老將軍登城矣餘何怯也遂畢登噶承恩退  
守大城始懼出張傑乞命我益攻之

乙丑停制勅房中書舍人考選科道

丙寅河南道御史郭寶請停經略忤旨請懷仁典史

丁卯左春坊左庶子馮琦右春坊右諭德余繼登主武闈

庚午蠲折河蘭臨洮等州縣旱災田糧

壬申寧夏賊平賊勢迫御史梅國楨欲開賊有市人李登跋

而眇往說噶氏令殺劉東賜許朝自贖承恩召百戶石棟王

英材官周柱計之果殺劉許擲其首城外開關延我師諸將

咸入承恩飲於宅總督葉夢熊在靈州聞之亟令詰旦不戒

噶氏者服尚方明晨承恩出謁梅國楨漸卒即執之李如松

等亟圍拜家拜率蒼頭巷戰不支闔門自焚叛黨噶承寵噶

洪大土文德何應時陳雷白鸞陳繼武等並被縛

寧夏志曰國家之患莫大乎聚夷於內而濫名器糜爵賞

以奉之不一効橫草之功拂怒獸之性則及戈內噬職為  
亂階遠無論於五胡開鬼滿曲非我明之鑒與粵自壬辰  
故稱戒餉嗜倡土翼倂辱重臣逞於巨鎮之中應於甌脫  
之外由族類卒難馴服野性嚮拂不常以至荼毒氓黎禍  
延宗社乃平。負秦之逆倂主將又不崇朝要皆止。之  
首難也其釀患可勝言哉議者謂逆節甫形象猶左袒若  
得中才之將及其鋒而奮臂一呼渠魁立殲何至深毒滋  
蔓胎禍無極乃悞帥蓄縮莫適敢發語曰當斷不斷反受  
其亂豈謂是乎奈何重誣天以遲誅也

瞿九思曰韓琦范仲淹功至高西寧之事豈不累年乎今  
朔方即西寧矣嗜酋之變乃不數月而旋捷倚與威哉語  
曰一人守險千人莫過臣觀守靈州事則未嘗不壯其識  
及開決大壩水嗜酋遂至幾無類此又與攻智伯事何異  
傳不云乎非我族類其心必異然則今日殫之事何可幸  
以言也

談遷曰嗜氏購。則我再受敵罷於奔命勢難斷也李如  
松身擊。驅之塞外則嗜氏孤直阱中耳授首有日而總  
督尚在靈州不即抵城下豈示威重不與諸將爭功耶說



者盛推總督力居多余按梅國楨所上封事頗不以為然  
當得其實語云禍莫大於殺已降要非所論於莫氏彼蒼  
頭軍千餘人其心叵測能除惡務盡則葉夢熊所見卓矣  
哉

丙子南京光祿寺少卿朱廷益為南京大理寺右寺丞

丁丑報李如松擊斬百二十級

由廣武入犯寧夏總兵蕭如薰等兵至井溝敗之

己卯山西按察使趙燿為右僉都御史巡撫遼東督理軍務  
壬午大學士趙志臯以禮部儀制主事諸壽賢見劾求去不

允

癸未暹羅入貢

丙戌設海防游擊駐樂亭縣南兵三千人益募七百人

十一月亥朔兵部尚書石星自請討倭上壯之謂佐帷幄不許  
朝鮮陪臣鄭崑貞辭宴以國王越在草莽主辱臣死之秋也  
禮部請折給俾速其歸許之

南京工部尚書李戴改戶部尚書兼右副都御史總督漕運  
巡撫鳳陽前禮部右侍郎黃鳳翔為左侍郎  
謁真定順德廣平大名水災秋糧仍賑之

戊子前左都御史李世達六年考績進太子少保

已丑監軍御史梅國禎乞宥魏學曾不報

庚寅總督南京糧儲戶部右侍郎余懋學兼南京右僉都御史

辛卯南京右都御史朱天球為南京工部尚書

兵部尚書石星請身討倭上以運籌不許

談遷曰甚哉石司馬之失籌也島夷擊我屬國拉馬傾覆  
彼告急於我度不能膜外置之而急在銀夏勢不兩顧且  
李昫來奔第擇善地居之徐觀其會可耳連撫郝杰不量

見力亟請聲援狡倭數萬衆如太山壓卵而我纔三千人  
往委肉虎口無俟戰至平壤立糜矣堂天朝揚威海外

兵少發則不振多發則不繼此豈易事而漫嘗為也屬國  
深離緩之可急之可而偏師輕出亦預其敗於是移御隣  
於同室進介鱗於我仇運籌之失始見其端而猶請纓闕  
下浮慕遠略膠柱鼓瑟之說不情國何待乎

命叅將義烏吳惟忠率南兵三千人期五日往遼東又遼東  
兵萬人赴義州同朝鮮協禦薊鎮保定各簡五千人宣府大  
同各八千人步卒半之並東征聽經略調遣又徵四川總兵

劉綎兵

甲午吏部左侍郎陳有年為南京右都御史

故道御史楊爵謚忠介

宣雲南之捷前剿丁攻十寨斬千二百級擒百四十人俘賊屬千九百有奇撫脅從六千六百人

丙申禮部尚書李長春屢請冊之跡十有四不報

南京中軍都督府僉書沈思學為狼山副總兵

丁酉吏部右侍郎陳于陞為左侍郎仍日講戶部右侍郎李尚思改吏部

蜀府德陽王府輔國中尉宣壻汶川王府奉國將軍承選並被薦協理宗學

戊戌巡撫雲南右僉都御史吳定加右副都御史黔國公沐昌祚進少保叅將鄧子龍復副總兵仍管金齒叅將事餘陞賞有差

辛丑命沿海防禦仍聽薊鎮密雲永平三道整備增入勅內總督兩廣右副都御史蕭彥為戶部右侍郎提督陝西討逆軍務總兵官李如松改提督薊遼保定山海等處防海禦倭總兵官

甲辰巡撫廣西右僉都御史陳藻為右副都御史提督兩廣軍務

乙巳蠲賑金衢嚴災民

丁未賜雲南巡撫吳定等金幣前擊緬甸賊斬百七十餘級戊申太常寺卿陳大科為右副都御史巡撫廣西

己酉朝鮮報斬倭千二百五十餘級燬舟百二十艘

庚戌楊廷蘭朱爵趙完璧吳應明項應祥王嘉謨王佐侯廷佩劉道亨盧明陔王如堅曹大成張文華盧大中為給事中  
文華大中俱南京劉曰梧李楠姚思仁楊宏科吳崇禮方大

美薛繼茂吳弘濟王之賢崔邦亮李炳李日茂毛壽南宋興祖謝朝佐蔡思穆曹學程蕭重望徐元正江珙柳佐蕭如松  
陳惇臨啟尚繡為試監察御史佐如松等俱南京

辛亥光祿寺卿呂鳴珂為太常寺卿

乙卯太僕寺少卿王汝訓為光祿寺卿

蠲賑確山封丘等州縣災民

十  
丁巳朔太僕寺少卿施策為太僕寺卿策疾辭

鎮守保定總兵倪尚忠為中軍都督府僉書

己未禮部  
郎中姜鏡劾司禮太監田義語多侵輔臣不

報尋削籍

庚申右軍都督府僉書尹秉衡為總兵官鎮守保定

浚泗州支河

辛酉禮部尚書羅萬化以河南道御史陳登雲論其送故相張居正天與人歸圖萬化奏辨乞休不允

壬戌賑寧夏難民

前漕運總兵懷寧侯孫世忠卒予祭葬

甲子旌卹寧夏殉難宗室官民呼氏初亂計誘故游擊陳棟棟不從因掠死故守備朱綬李承恩謀擒呼氏劉事泄殺於北

樓指揮張佩趙承先謀獻西城事泄死各衛領兵官王極追

至古塲見被殺指揮王琦通官軍易糗糧賊覺磔死之百

戶陳漢給事撫臺以忘死百戶王徹嘗揭呼氏侵餉恨殺之

百戶呂擢赴鎮河灘驅賊牛馬百戶王繼恃勇言欲擒賊百

戶張世傑屢輸寇情百戶姜應奎同宗子謀獻東城俱被殺

百戶陳緒守常信堡殺賊黨被磔百戶施威守李綱堡謀誅

賊黨死慶陽人任天慶寓寧夏與妻議作鉄杵擊賊婦泄之

被殺

丁卯大理寺卿趙世卿為兵部右侍郎兼右僉都御史巡撫

河南提督軍務

戊辰寧夏獻俘時承恩承寵等磔於市

夜火星犯氏宿

已巳釋魏學曾獄削籍學曾始惑於招撫其措置兵將亦終賴之

庚午巡撫雲南右副都御史吳定為大理寺卿

乙亥鑄管理蘓松常鎮糧儲水利及提督備倭僉書各關防提督京城巡捕署都督僉事宋三晉為協守保定天津海防副總兵官

丁丑後軍都督府僉書杜桐提督京城內外巡捕

戊寅協理京營戎政兵部左侍郎周世選為右都御史兼戶部右侍郎總督倉場山西布政使陳薦為右僉都御史巡

撫雲南贊理軍務

已卯逮右通政司穆來輔按察僉事隨府以工科

給事中曹大成等劾其陷賊依違也獄上擬削奪不許命永戍

庚辰禮部尚書李長春省墓

壬午兵部左侍郎徐元泰為右都御史協理京營戎政

南京大理寺卿宋仕通政使楊廷相並劾免

甲申戶部尚書楊俊民考滿加贈父吏部尚書博左柱國太師

丙戌 推官張士升為試四川道御史

是月安南鄭松計通丘民裴文奎等內叛襲殺都統使莫茂洽

丁亥朔教習庶吉士禮部尚書兼翰林院學士羅萬化巡

撫延綏兵部右侍郎兼右僉都御史賈仁元各回部

戊子巡撫四川右僉都御史艾穆致仕

己亥寧夏河西道副使蔡可賢致仕

庚子前右春坊右諭德吳中行為翰林院侍讀學士署部事

太僕寺少卿張文熙劾罷

總督倉場右都御史張士佩新命被劾辭不赴

兵部購平倭賞格

辛丑禮部左侍郎黃鳳翔改吏部

東征兵漸集兵部罷播州兵不發

壬寅前總督漕運戶部右侍郎楊一魁為南京太常寺卿

癸卯前南京總督糧儲右副都御史曾于拱卒于拱字

泰和人嘉靖進士

居官潔介好讀書談

道年十予祭葬

甲辰禮部右侍郎范謙為左侍郎南京吏部右侍郎劉元震為禮部右侍郎

丁未工念兩浙畿停徵舊租一年各省亦如之

戊申南京鄧以讚為南京吏部右侍郎

壬子工部尚書曾同亨致仕吏部右侍郎李尚思論罷巡撫

應天右都御史劉應麒終養

大發兵東援朝鮮經略宋應昌左都督總官兵李如松誓師

七萬人渡大同江李如柏將左軍張世爵將右軍楊元將中

軍軍容甚盛游擊沈惟敬還自倭請畫江為界如松止不遣

遂進師總戎臺謁例橐鞬叩首出易冠帶為加禮如松以提

督又負功竟鉤禮

是年連城縣姑田里出竹米數萬斛饑民賴之

癸巳萬曆二十一年

正丙辰朔上不豫

辛酉總督兩廣蕭彥奏暹羅忿閔白有勤王恤鄰之義



壬戌前 總兵官署都督僉事陳璘為統領薊遼保定山東等處防海禦倭副總兵

甲子提督操江南京右僉都御史朱鴻謨為右副都御史巡撫應天左副都御史蔡國珍為吏部右侍郎

南京刑部尚書辛自脩為工部尚書

乙丑前南京刑部尚書陳其學卒其學字

登州人嘉靖

甲辰進士贈

謚恭靖予祭葬

丁卯右都御史兼兵部右侍郎徐元泰為南京刑部尚書左僉都御史李楨為左副都御史大理寺少卿張養蒙為南京

右僉都御史提督操江

己巳屬夷長昂犯遼東大毛山堡叅將樊尚禮等落職

庚午大學士王錫爵入朝

光祿寺卿王汝訓為左僉都御史

甲戌大兵克平壤李如松兵至肅寧倭使衆迎沈惟敬實現我命縛之倭粹起格鬪止擒一二人如松按游擊李暉申令一軍股栗進次平康箕子所都也城据山上旁多林翳可伏旦薄城下倭守小西門我攻城東南倭發矢石如雨軍稍卻如松手斬先退者以徇募死士援梯鉤而上殺數人不退倭

悉衆來拒奇兵間道趨小西門赤幟出堞上我軍望之益力  
吳維忠中鉛血殷踵奮呼督戰如松馬中砲易而進遂破倭  
斬渠帥宗暹平秀忠平鎮信等斬級千五百有奇是日大風  
雨晝冥沮水為沸倭北走大同江先使人斫江冰溺死無算  
追及開城又斬數百級已阻臨津而陣倭走王京

談遷曰隋唐傾天下之力以事高麗始而銳終而怯厥功  
不揚李將軍慷慨臨戎平壤之戰氣吞狡夷名都立墮方  
乘破竹之勢謂前無堅壘碧蹄稍挫而鼓音衰息議者多  
為李將軍惜然始所摧敗亦足暴於天下矯虎臣李將

軍固一時之雄也

總督薊遼保定兵部右侍郎郝杰協理京營戎政湖廣左布  
政使陳用賓為右僉都御史巡撫雲南

丁丑王錫爵上密揭請三皇子並封王 上善之報曰朕昨

讀祖訓云三嫡不立庶况皇后年尚少今卿奏將三皇子暫  
封王少待數年皇后無出再行冊立御札至閣錫爵獨袖歸  
私第復擬二諭曰依明德皇后抱妃子為子曰三王並封  
命經略宋應昌督厲將士亟攻王京蓋朝鮮所都也李如松  
乘勝略地至碧蹄館距王京三十里僅領二十騎前倭遽之

奔中矢且盡一首急搏如松指揮李昇力救裨將楊元援之  
圍解退屯開城

兵部右侍郎顧養謙為左侍郎兼右僉都御史總督薊遼保  
定

己卯蠲淮揚廬鳳萬曆十八年以前藥材牲口銀

吏部內計舊先白閣臣至是尚書孫鑰同考功郎中趙南星

力持正盡斥私黨王錫爵不悅

庚辰勅旌潘王理堯賢孝

刑部右侍郎趙參魯為兵部左侍郎

詔督撫久任時御史李炳吳弘濟論郝杰驟遷 上然之命

以後仍久任

樂昌地震有聲

二 朔戌朔京察竣免少卿鄭洧年徐泰時餘降調有差

庚寅提督四夷館太常寺少卿周思敬為光祿寺卿

詔朝鮮國王李昖還居平壤

貴陽大風雹

辛卯主錫爵疎引三誤乞容改正 上報曰朕耻為臣下挾

制卿自引咎置朕何地 三子俱不必封少俟一二年中宮無

出再行冊立始錫爵負氣節自請並封恣物議朝臣俱奏止  
惟國子祭酒曾朝節獨否

談遷曰太倉歸省年餘別無建樹亟馬以並封請謂非  
迎合上指抑大臣納約自牖其道如是乎初擬二諭欲  
元子取養中宮在唐宋有之其事陋而不經中宮母儀天  
下則百斯男孰非其子必襁育以為德又閭巷之見也設  
並封果行數年而婚未幾而就國疇能止之漢儒稱守經  
以行權未達乎經而覬權之萬一則引誤之說所自來矣  
巡撫陝西右副都御史姚繼可言西來款市宜如隆慶五

年來勿拒背勿責從之

甲午諭浙直福建廣東沿海防倭陝西道御史毛壽圖言之  
也

丙申科道拾遺御史劉士忠等糾戎政右都御史蹇達吏部  
右侍郎李尚思前詹事劉虞夔少詹事黃洪憲南京戶部右  
侍郎余懋學兵部右侍郎蔡汝賢右通政司使徐一楨皆月  
旦不容官箴有玷遂罷懋學汝賢一楨勘達洪憲餘留又論  
南京工部右侍郎張檀通政使杜其驕刑部右侍郎傅孟春  
南京國子祭酒余孟麟

誅四川建武營悍卒先是調劉綎東征兵畏行而譁命誅其首禍

己亥浙江道御史高舉等請冊立豫教章下所司

辛丑前南京大理寺卿王湘卒湘字濟寧人嘉靖乙丑

進士選庶吉士除御史至今官

壬寅蓬萊知縣董守緒侵帑命永戍

癸卯倭屯王京求移封內地不許經略宋應昌求濟師兵部

議以南兵戍登萊者援之

乙巳慶府鎮原王伸垣上書求賑乞移封內地不許竟賑之

三卯辰朔南京察罷御史黃正色太僕寺丞趙卿高維崧部

郎中張問達喻應台等餘降調有差

鑄雲南羅次縣儒學印

吳中行為翰林院侍讀學士翰林編脩林承芳為浙江布政

司右叅議

錄征倭功賜李如松楊元李如梅等金幣

戊午告捷郊廟

己未刑科給事中劉道隆論吏部稽勲司員外郎虞淳熙兵部職方郎中楊于庭臺省交摘而吏部曲為解僅議一職方

主事袁黃非體有旨責吏部回奏尚書孫鑰言淳熙臣鄉人  
安貧好學非有先容之助于庭任西事有功尚書石星亦言  
之臣不忍以功為罪且既命議覆自有異同惟各原其心求  
歸於當若知其無罪忽以科道之言而去之昧心欺君臣不  
能為亦非勅臣議覆之意也 上以不引罪俸奪三月考功  
郎中趙南星鑄二秩調外淳熙等並罷劉道隆以不指名亦  
奪俸鑰乞休不許鑰復奏曰人臣之罪莫大於專權國家之  
禍莫烈於朋黨夫權者人主之操柄人臣所司謂之職掌吏  
部以用人為職進退去留屬焉然必請旨而後行則權固有  
在非可得專也今以留二庶僚為專權則無往非專矣以留  
二京職為結黨則無往非黨矣臣任使不效徒潔身而去俾  
專權結黨之說終不明於世將來者且以臣為口實又大罪  
也伏冀特加省察并賜骸骨先是內計去留先白閣臣鑰及  
南星力持正盡斥私黨王錫爵不悅淳熙本清士其補吏部  
呂胤昌之闕即鑰甥也詆其賄代楊于庭僂力寧夏當叙功  
惟袁黃稍經議擬降益忤閣臣矣尚書被譴責於是左僉都  
御史王汝訓通政使魏允貞大理寺少卿曾乾亨禮部郎中  
于孔兼員外郎陳泰來主事顧允成張納陞曾巖國子助教

薛敷教俱論救禮部郎中何喬遠主事洪啟睿復合疏言之  
請孔蕪安吉州判官允成光州判官敷教光州學正

沈演曰癸巳之廷諍盛衰之際乎君子之氣且真且厚無  
如此時所爭者大陳義甚正本不為已動可得而柔耶故  
雖至尊不得不商量別處之法此非不美之象也惟不見  
謂拂而能相持以久即吁咈何矣乃竟逐而不復者  
六人而五悲夫君子非欲激不能為隨上容士為與直士  
狗上為變墨君子國之元氣何不念也

庚申朱廷益為南京大理寺丞時吏部推鄒元標而廷益附

之上用廷益又推元標應天府丞不報於是南京戶科給  
事中顏文選言元標當錄上怒元標輕肆降文選浙江按

察司知事

辛酉以戶科給事中王建中等閱實廐馬下司禮太監王坤  
減料二千石芻十萬束

光祿寺卿王汝訓上言本寺歲入共二十三萬有奇而十八  
年十九年供應簿歲費二十四萬有奇不勝駭汗臣嘗備員  
寺丞少卿昔歲用不過二十萬隄六七年費滋至此若盡出  
乘輿玉食之供與兩宮孝養之具臣何敢輕議惟是上下相

蒙轉相倣效延至今日勢難少待按會典凡內外衙門官吏  
監生人匠等應給酒食俱本寺支給餘如回回哆思麻等盡  
士韋鑑等調土臣栢達等傳賜越數十年仍日支酒飯此等  
冒濫不可殫述乞覈各官名下酒飯應兼支半支任支又如  
西三夷進貢經年累本寺歲費數千金宜勒限趣還又會典  
本寺日給內府衙門官吏監生錦衣衛將軍力士及各監局  
等衙門軍民等匠近據各衙門冊報半屬成弘間人又按十  
五年後六科廊匠經廠匠織染局匠各請增數千人不知果  
繫部文投補堂、天朝使人竄名為糊口計法紀謂何乞開

除年久物故者明開某年月日部文增收各役親詣闕給革  
其詭代不允

甲子增淮揚沿海兵將

禮部精膳司署郎中事員外郎陳泰來論察典曰臣叨第十  
七年四歷京察丁丑則故相張居正以奪情故用朱璉策借  
星變計吏箝制衆口楚人方逢時署部事考功郎中劉世亨  
依違順氣掃除異己辛巳則居正威福已成王國光唯諾惟  
命考功郎中孫維清鄙人也與秦耀設謀禁錮建言諸臣丁  
亥則臺省楊廷相馬允登側媚當路誣陷善類御史王國面



折之其說不盡行而尚書楊巍自許模稜考功郎中徐一楨  
主於調停涇渭失辨何起鳴俸免張正鵠誣斥頃者庶官拾  
遺下部覆議虞淳熙素擅才名楊于庭西功未叙表黃方贊  
東師該部酌評蓋有深意科臣劉道隆遽行糾摘閣臣駕言  
聖斷識者扼腕而不平此其故可推也夫尚書孫鑰劉渭陽  
之恩於呂胤昌趙南星忘秦晉之好於王三餘是誠難事今  
以評品為秘科臣或有獨見閣臣得微無指耶部權自高拱  
張居正以來尚書除張瀚嚴清外選即除孫鑰陳有年外奔  
走請教一一稟承濫觴於楊巍而掃地於劉希孟謝廷采今  
復借拾遺處分熒激聖怒即昨年之故智將來必挈權以阿  
閣臣而後為不專權必植黨以附閣臣而後為不結黨上

怒降泰來

乙丑予故巡撫延綏右副都御史安肅王汝梅祭墓

王錫爵連乞休不允

己巳雲南緬甸賊入犯官兵禦卻之

辛未楊時喬為應天府丞

議處宣大屬夷立頭目各駐牧從優撫賞則彼此不相統從  
總督蕭大亨議

壬申以史簡子吉妹并李羅等率眾來歸仍撫賞

癸酉寧夏逋卒鍾普等五十一人自營來降貴其罪又  
着力鬼縛獻叛卒七人誅之

甲戌 公主薨

乙亥故左都御史軒輓贈少保謚端肅

丙子詔東征將士暫還遼東湖廣道御史薛繼茂言官兵深  
入倘賊斷鴨綠江歸路奈何宜乘勝觀變戒李如松輕敵從  
之

丁丑勅朝鮮國王招諭降倭軍民

癸未左都御史李世達請宥陳泰來虞淳熙等 上不憚趙

南星虞淳熙楊于庭袁黃各削籍

安南莫敦讓告急

四 丁亥錄寧夏功進李如松太子少保蕭如薰都督同知進葉

夢熊右都御史朱正色右副都御史梅國禎太僕寺少卿餘

文武陞賞有差

戊子館陶天鳴

辛卯臨漳王載堪薨

癸巳浙江按察副使陳三策削籍以巡按御史李唐論其託

疾擅離三策許奏非體也

南京翰林院侍讀學士吳中行罷

南京戶部尚書張孟男致仕

癸巳沿議邊拓庫藏募輸粟御史高舉言之也

甲午予撫寧侯朱繼祖祭葬

乙未貴州總兵官侯之胄有罪免

丙申立慶府宗義坊旌故壽陽王倪燾國將軍高梓等又

立表烈坊旌節婦范氏王氏謝氏李氏

丁酉賑慶府貧宗五千金

戊戌雷震孝陵大水

倭悔禍求貢兵科給事中張輔之言貢可許四可議七給事

中許弘綱侯廷佩御史宋興祖各言不可信章下所司

辛丑吏部尚書孫鑰罷右侍郎蔡國珍攝部事

黃汝亨曰昔范希文坐丞相呂公罷呂公亦罷士大夫各

持二公曲直呂公患之凡直希文者皆指為黨斥逐略盡

及呂公復相希文亦召用二公懽然僂力天下士雖皆以

此多二公然朋黨之論遂起而不可止嗚呼呂公且然而

又况不為呂公者乎此世道之憂深識者以為古今一轍

也

壬寅巡撫山西右僉都御史呂坤言五事裁冗員蠲宿逋寬帶徵別分數嚴催科部覆從之

裴應章補戶部左侍郎工部右侍郎褚鈇為刑部左侍郎太常寺卿呂鳴珂為通政司使

癸卯雲南左布政使林喬相為右副都御史巡撫貴州太常寺卿楊一魁為南京戶部右侍郎總督糧儲

倭出王京初平秀吉據龍山倉李如松遣叅將查大受間道焚其粟數十萬李寧祖承訓軍開城楊元軍平壤李如柏軍

甯山查大受軍臨津而如松身往來節制俄沈惟敬使倭云許獻王京歸朝鮮王子陪臣是日出王京而南退屯釜山如松入王京餘粟數萬芻菽稱是朝鮮幾定

乙巳江夏王英燠薨

丙午王錫爵請視朝不報

南京吏部尚書溫純改工部尚書少詹事習孔教為南京禮部右侍郎左僉都御史王汝訓為右副都御史巡撫浙江光祿寺卿胡嘉謨為南京太常寺卿

丁未神機營左副將署都督僉事陳汝忠為總兵官鎮守貴

州寧夏副總兵署都督僉事麻貴為總兵官鎮守延綏  
已酉光祿寺卿周思敬為太常寺卿江西左布政使沈思文  
為順天府尹山東左布政使傅作雨為南京光祿寺卿  
庚戌南京右都御史陳有年為南京吏部尚書翰林院侍讀  
學士陸可教為國子祭酒

辛亥諭釋輕繫

壬子傳制封慶成王在坻德興王載焯吉安王載堦延長王  
緡煖弘農王仲謹臨漳王翊鄒江夏王華壇

五明寅朔連東鉄嶺衛火

巡撫山西右僉都御史呂坤為左僉都御史回院

發德州倉粟二萬石賑滄州河間饑

丙辰總兵官鄧子龍罷

戊午右春坊右庶子兼翰林院侍讀劉楚先為詹事府少詹  
事兼侍讀學士纂修玉牒左春坊左庶子兼翰林院侍讀馮  
琦署院事司經局洗馬兼脩撰楊起元為南京翰林院侍讀  
學士

庚申蘄鎮青山口雷火焚臺內火箭斃官軍數十人

辛酉王錫爵上奏交要務四事題覆宜慎聽納宜公甄別宜

先勘核宜審 上是之

甲子戒遮留地方官時通州人奏留知州馬有慶御史高舉言保留成習下部申飭從之

己巳發預備倉穀十萬餘石賑順天饑

南京吏科給事中陳恩淳以雷火請冊立不報

辛未前少傅大學士郭朴卒朴字 安陽人嘉靖乙未進

士選庶吉士授編脩進侍讀纂脩會典壬申進右春坊侍讀

學士禮部右侍郎改吏部轉南京禮部尚書改吏部加太子

太保以武英殿大學士入直累少保少傅致仕醇謹終始年

八十三遐齡重望人不可及予祭塋贈太傅謚文簡

甲戌吏部左侍郎趙煥為南京右都御史總督倉場右都御

史兼戶部右侍郎周世選為南京戶部尚書通政司右通政

魏允貞為右僉都御史巡撫山西

薊鎮屬夷長昂犯邊

立寧夏褒節祠祀常信堡百戶陳縉又立顯忠祠祀游擊梁

琦守備馬承先總旗安餘學等四十一人百戶陳漢等指揮

使王琦等六十九人

乙亥總督陝西右都御史葉夢熊加兵部右侍郎

丙子賑鳳陽淮揚饑

五軍營右副將署都督僉事馬應元提督京城巡捕

已卯署都督僉事陝西總兵官董一奎為五軍營右副將

前總督倉場戶部右侍郎林應亮卒應亮字 侯官人嘉

靖壬辰進士知 縣進 部主事歷今官予祭葬子如楚

辛巳翰林院庶吉士董其昌為編脩

蘓州知府石崑玉為山東按察副使領兩淮鹽司使時科臣

議重轉運之選崑玉治最特任

命總督兩廣軍務陳藻相機處置安南時鄭松復擒莫敦讓

於大岑村莫履機等奔嶺東欽州莫敦恭莫履遜奔廣西思

陵州莫敦邦有衆十餘萬起京北道用武汝諧等攻走黎黨

敦讓得復歸衆推敦邦署都統使諸僑居欽州思陵者護出

境未幾黎兵轉攻南策州敦敦邦而莫敦璋也新安敦恭敦

用屯諒山懼黎氏追亟竄憑祥龍州境上

談遷曰莫登庸拔起渙戶至微賤也俄黎侗氏之世社非

驍雄而能而若是乎帶甲數十萬弱子單孫遠奄 不振

奔竄無虛日昔以匹夫奪人國而有餘今跨州連城負山

據海全有嶺外容一身而不足故曰慮為功首謀為賞本

今之莫氏將母謀慮失之耶  
賑贖抵武清東安香河饑

是月邳州高郵寶應大雨水湖決壞隄沈丘大霖雨傷稼  
六甲申朔兵科給事中侯慶遠言勒屬國款道之師以力爭  
平壤以權收王京挈兩都授之存亡興滅義聲赫海內矣全  
師而歸所獲實多詔漸撤師經略宋應昌奏釜山雖瀕南海  
猶朝鮮境有如倭瞰我罷兵突入再犯朝鮮不支前功盡棄  
我救朝鮮非御隣闕比朝鮮國則薊遼無虞兵宜協守即議  
撤當少需時日俟倭盡歸量留防戍

乙未南京禮部尚書王弘誨致仕

丙申予故工部尚書辛自脩祭葬贈太子太保

緬甸莽應禮以孟璉長官司求款貢許之

戊戌太倉州治火藥樓災

己亥東征兵歸 大譁

鑄福泉興化海防同知閔防山西東路管糧管礦各閔防

丙午前河南布政司右叅政吳國倫卒國倫字明卿興國人

嘉靖庚戌進士授中書舍人進 科給事中調外歷今官博

洽攻文所著甌甌洞藁續藁行世年七十三



馮夢禎曰自屈宋下楚才何其侈耶明卿先生起嘉隆間  
嗣響李何齊鳴五子甚且超乘而上豈不優、乎難哉至  
其緣儒飭吏寬猛適宜牧宰監司悉善其職充足為文士  
吐氣惜其不大用令以甌甌終也然其著書表見遂與弇  
州伯仲未詩國朝者吳楚其大風也哉

辛亥吏部推鍾羽正兵科都給事中 上以羽正被譴奪司  
官俸申飭京官非二品以上不得輒辭瀆浙江道御史趙標  
言近來廷臣皆飾讓成習 上然之

壬子巡撫江西右副都御史邊維垣為南京工部右侍郎南京

大理寺卿王樵為南京刑部右侍郎陝西右布政使劉光國  
為右副都御史巡撫陝西

七 癸卯丑朔吏部左侍郎兼翰林侍讀學士黃鳳翔為南京禮部  
尚書山西左布政使陸萬鍾為右僉都御史巡撫江西  
乙卯夜彗見井甯芒尺餘

丙辰滎河縣大雷雨冰雹傷稼十餘里

丁巳禮科都給事中張貞觀請親廟祀章再上不報  
前吏部尚書王國光買娶婦李氏致自刎巡按山西御史喬  
璧星以聞遂奪秩如不謹例閑住

談遷曰王國光里居與邑令不相中時春秋高娶妻非其  
意也婦適死令齟齬而張之國光故善江陵往坐敗未奪  
秩而以他事累車不贖於羊腸而躋於康莊國光之謂也  
己未蠲獲嘉縣逋租

前南京禮部尚書秦鳴雷卒鳴雷字 臨海人嘉靖甲辰

進士第一授翰林脩撰進 諭德歷祭酒禮部侍郎改吏部

遷詹事乞休起令官致仕年 十予祭葬吏部謂其品不當

謚

辛酉浙江道御史彭應參言倭貢不可許碧蹄敗績大將僅

以身免倭何震之有而云乞哀求貢不過經略久在異域陰

許之耳章下所司

丙寅 道御史王立賢乞時御朝如十五年以上不報

辛未宣陝西之捷

壬申倭還朝鮮王子陪臣自釜山移西生浦

癸酉許教官雜秩任本省佐貳首領官亦選授隣近從御史

薛繼茂之奏繼茂又上獄情八事罪臣當錄委官多誤云云

上議行之

乙亥夜彗逆行入紫微垣犯華蓋星

巡按福建御史陳子貞請開洋禁章下所司

丙子霍丘霍山大雨水涂人畜亡筭

丁丑協守沱岷副總兵署都指揮僉事劉承嗣為總兵官鎮守四川

己卯固始南山蛟蜃同起大雷雨水溢壞人畜

辛巳寇遼東

夜火星逆行室度

衡州火

壬午朔洪洞霍州地震有聲

定御史差選先是江西道御史徐申言北臺差多而選多今日益濫南臺差少而選少今日輒避籍宜及行取之期加意裁節南北無低昂除用亦無迴避雖避原籍非選受也今因差妨人遂因人妨制不以人避差却以差避官臣竊惑之報可

詔通海禁

癸未王錫爵以星變言天以皇上為子 皇上以太子為子就一家而言此足相當 天子之象帝星太子之象前星就三垣而言又最相近方今禳堊第一義莫如早冊立 上慰

答之

魏國公徐惟治卒

甲申王錫爵再請冊立

丙戌召大臣會極門諭脩省又曰往朕勅督撫官條各塞優  
郵事宜今年餘不見報何也

丁亥南京吏部尚書陳有年為吏部尚書

己丑潁州大水頃刻百餘里溺人畜亡筭

庚寅右春坊右中允署國子司業劉應秋回坊兼翰林院

直日講南京國子司業馮夢禎為南京右春坊右諭德署

翰林院事

辛卯減造南京紗衣蟒襪三分之一

壬辰劉元震為禮部右侍郎兼翰林院侍讀學士盛訥回部

邢玠為南京兵部右侍郎趙世卿孫鑛為戶刑部右侍郎

癸巳命四川貴州撫按訊楊應龍罪狀

甲午太白晝見井度

吏部 侍郎兼翰林院侍讀學士陳于陞為禮部尚書翰林

院學士署詹事府事

調巡撫寧夏右副都御史朱正色加河南 布政使張更化

太僕寺卿致仕俱被論

乙未王錫爵諫催蘓杭織造不報

鄭汝璧為右僉都御史巡撫山東梅國楨為右僉都御史巡撫大同

辛丑先是禮科右給事中朱爵言廷推冢宰已用禮部尚書羅萬化旋寢疑輔臣授意乞 皇上宸斷以息異議其語侵

趙志臯張位 上詰其由則侍郎趙用賢意也以爵妄論摘山西按察司知事御史甘士价等疏救下所司

壬寅周思敬為南京大理寺卿吏部右侍郎蔡國珍為左侍

郎鄧以讚為吏部右侍郎

癸卯翰林院庶吉士包見捷為戶科給事中

賑淮揚貧竈

甲辰太僕寺卿徐作為太常寺卿

署都督同知鎮守延綏總兵官董一元為中軍都督府僉書

丙午翰林院編脩李道統為南京國子司業周應賓為國子

司業太常寺少卿劉元霖提督四夷館

丁未以建南土夷啟隙通判張材降都指揮滿繼祖除名

庚戌左春坊左庶子兼翰林侍讀馮琦為詹事府少詹事

九月子朔巡撫山西右僉都御史呂坤請嚴薦舉連坐法劾參  
議和震副使陳九疇平陽知府任甲第屬官多不肯止報一  
人幽本當黜而注云可薦參政李琦僉事周應中未嘗出巡  
而考政致以循良貪懦當罰 上大是之下部院科道如典  
例

癸丑以淮安鳳陽揚徐存留夏稅量賑饑民水災

右春坊右諭德兼翰林院侍講余繼登為左春坊左庶子兼  
侍讀司經局洗馬兼修撰蕭良有為右諭德兼侍講右中允  
兼脩撰李庭機為洗馬仍兼脩撰

丙寅工部尚書溫純終養

戊辰兵部尚書石星言宋應昌遣使行間臣實與謀今科臣  
張輔之等疑書揭之異同按臣周維翰慨事機之已去尤在  
封貢之事倭本難信雖退還王京送回王子跡似效順然封  
號不可假况行尚在酉生浦閔白未具表文宜勅經略速諭  
行長率眾歸巢毋得留滯 上如之

庚午兵部職方司主事曾偉芳言倭款亦去不款亦去款亦  
來不款亦來蓋閔白大眾已還僅遣小西飛三十餘人至王  
京乞貢行長留待知我兵未撤不能以一矢相加遺也明甚

欲歸報閔白捲土重來則風汛不利正苦冬寒故曰不款亦  
去沈惟敬前在倭營講購咸安隨陷晉州垂拔而欲恃款冀  
來年不攻則速之款者速之來耳故曰款亦來為今日計宜  
朝鮮自為守吊死問孤練兵積粟如李昞不任令退閑立光  
海君瑄又不然令衆建王族章下兵部  
壬申命石星錄囚

癸酉起吳文華南京工部尚書李洙右僉都御史巡撫保定  
改袁貞吉工部尚書胡嘉謨大理寺卿  
甲戌夜火星逆行入室度

丙子勅朝鮮國王李昞曰爾國雖介海中傳祚最久近者倭  
奴一入而王城不守原野暴骨廟社為墟追思喪敗之因豈  
盡適然之數或言王偷玩細娛信惑群小不恤民命不脩軍  
實啟侮誨盜已非一朝而臣下未有言者前車既覆後車可  
不戒哉惠徵福於爾祖及我師戰勝之威俾王之君臣父子  
相保豈不甚幸第不知王新從播越之餘歸見黍離之故宮  
燒殘之丘隴與素服郊迎之士衆噬臍疾首何以為心改弦  
易轍何以為計朕之視王雖稱外藩然朝聘禮文之外原無  
煩王一兵一役今日之事止以大義發憤哀存式微固非王

之責德於朕也大兵且徹王今自還國而治之尺寸之土朕無與焉其可更以越國救援為常事使爾國恃之而不設備則處堂厝火行復自及猝有他變朕不能為王謀矣

葉向高曰隋唐之際高麗勁矣觀其勤萬乘抗前旌固東夷之雄也明興濡沫仰派皇風淪被俎豆詩書為冠帶之國聲教遠矣彼威之而不來此柔之而愈服雖招携有經亦先聖之遺化也成桂初興逆取順守引於今茲藩封勿替可謂盛矣而襲休日久積弱形成高皇前言徵於左券神聖之所豫謨有國家者曷可少忽乎哉

朱國楨曰朝鮮強弱劇暴先後迥異然不難於事我明而難於事宋不難於抗隋唐而難於抗元宋之奄、即停渡海之使其奈之何執禮不廢料女直如指掌隋兵黷適以自斃唐兵驕不能持久元以蓋天之勢切近攻之數十年不能舉此豈地利人和之足恃獨有忠臣為之死抗所謂國於天地必有與之蓋以此也即倭難有權慄李元均元翼等各自奮立功慄欲東奔志在糾合興復清正行長終不得肆若謂非中國救必折而入於倭則元與隋唐何以退聽至今其國依然也



南京右都御史趙煥終養南京太僕寺卿徐用檢為南京太常寺卿

丁丑予故南京刑部尚書陳道基祭葬

己卯貴州左布政使錢溥為南京太僕寺卿

命給軍士布花期十月初旬著為令御史曹學程言之

十甲申山東督撫旂刃皆出火有聲

乙酉劉綎為備倭副總兵署都督僉事暫留朝鮮

丙戌武進江陰等縣大雨雹傷稼

丁亥南京戶部尚書周世選等以戶部郎中鄭材因侍郎李

楨駁其所論趙吳姻事語侵其父洛爭辨擬材存堂屬之體

庚寅淮府紹興王厚燦薨

辛卯郝杰為南京戶部尚書大理寺卿胡嘉謨為刑部右侍

郎

癸巳禁總兵官稱疾枉歸

乙未沈思孝為大理寺卿賈仁元為右都御史兼兵部右侍

郎協理京營戎政

丙申命停刑

丁酉臨朐王弼鉞有罪下閑宅候訊

戊戌陝西白馬城堡星隕大如斗天鳴

己亥張一元為右僉都御史巡撫雲南

故南京兵部尚書郭應聘謚襄毅

庚子故南京禮部尚書林燠謚文恪

辛丑蠲贖慶長沙荆襄水災田租賑之

安南都統使莫茂洽之出奔也莫敬邦以十萬人拒鄭茂遣

世父莫敦讓來告急因引孫一人弟九人族屬五十人直走

永安求居欽州御史徐元正奏朝鮮與安南殊科朝鮮中國

之門戶勢自當援今安南遠在萬里之外亦請比以援之此

於策不使且欽州實雷廉門戶珠池在焉有如一日不可知

則百粵五嶺豈得高枕而卧乎事皆下兵部石星謂御史言

是趣總督諭敦莫讓還國

安南黎維潭與宣撫黃廷愛叩闕求貢左江道僉事張

璧上之來牒用國王金印而世次與故府所載稍異又詰印

何自先是巡撫廣西右副都御史陳大科上言蠻夷易姓如

奕棋然不當以彼之叛服為順逆惟當以彼之叛我服我為

順逆斯機權在我無庸以叢土而遠興兵顧維潭將恢復是

圖而莫茂洽故職方之貢也倘如先朝故事命大臣致討聽其款閔請罪比諸漆馬江以不剪莫祀惟聖明裁之

壬寅吏部起胡籍科臣張棟奪尚書俸二月降司官雜秩閣臣申救上責部堂市恩免奪俸司官俱謫外已科道交救以許弘綱首之奪俸四月餘各二月文選郎中孟化鯉等削籍

左都御史李世達致仕世達議趙用賢絕婚為是戶部郎中鄭材論之遂乞休閣臣擬留上方怒吏部允其去命總兵官不得擅自請告

戊申山東災蠲賑有差

十一月辛亥朔卯刻日當食不食

蠲杭台紹興寧波存留夏稅

乙卯謚魯府福安王壽鈐曰憲惠

己未先是鄭世子載堉自以鄭簡王第四支不宜越封累奏讓爵推長載璽禮部議成憲難易如世子堅遜聽以世子號終封其子翊錫以繼其統命下撫按

癸亥賑葉縣礦徒時河南多饑盜撫治鄆陽右僉都御史董裕奏各礦盜乞厚卹以散其黨上從之因發彰德懷慶衛

輝漕粟九萬餘石輸河南分賑

甲子刑部尚書孫丕揚為左都御史

丙寅諭皇長子出閣用常禮待冊儲始冠

緬甸酋莽應禮來貢

巡撫四川右僉都御史王繼光奏播州楊應龍不聽勘更虐

土民繕兵器巡撫貴州右副都御史林喬相亦奏其惡請正

法上命便宜擒治不許貪殺

丁卯謚益府黎丘王常濬曰莊懿淳河王常洵曰懷僖晉府

河中王知矩曰恭靖

浙杭湖嘉興漕糧有差

已刻東安縣西北天鳴

戊辰蠲賑望江四縣太平等十縣

己巳萬壽節上御皇極門受賀畢召閣臣王錫爵於煖閣

錫爵求冊儲上曰朕意久定豈為人言所動又曰倘中宮

有出奈何錫爵曰皇長子年十三無曠學之理又請速斷

上溫諭良久乃退

趙煥為刑部尚書程拱宸為南京通政使

兵部言經略宋應昌於十月二十三自遣沈惟敬諭倭閱月

至海上又閱月方通日本又月餘而後知表文至否則歲終  
事也提督李如松報倭象浮海有行長兵千餘守候小西飛  
回信亦然則久戍非宜即將吳維忠駱尚志等留守南北盡  
徹官兵仍留劉綎聽擇地駐札兵科給事中吳文梓言撤兵  
是也為善後計則否今日議貢明日議封僅能誘之至西生  
浦倘乘虛而入劉綎數千之師果可禦強倭乎命兵部議之  
辛未先是行人高攀龍申救得罪諸臣語侵閣臣指戶部郎  
中楊應宿為諂諛應宿議趙用應宿遂訐攀龍并及吏部文  
賢絕婚非是選郎中劉四科趙南星及顧憲成等奏下閣擬王錫爵封應

宿跡上

南京吏部右侍郎鄧以讚劾疾去

祭故南京右通政吳自峒

戊寅趙志臯張位請冊立不報

巡撫山西右僉都御史呂坤言宗藩二要嚴驕赫之禁重輔  
導之臣從之

閏十一月辛巳朔諭王錫爵曰冊立少候旨明春豫教出閣禮又  
欲第三子併行或先後行之錫爵請 皇三次子少遲一二  
年 上優荅之諭禮部明春 皇長子出閣講學不許漬擾

壬午順天諸生鄭承恩請冊立 上怒除名外戚錦衣衛帶  
俸都指揮使鄭國泰伯父也

癸未夏鎮工部郎中余繼善追贓削籍

乙酉蠲賑宣府大同

戊子予故戶部右侍郎蕭彥榮葬

尤繼先為征前將軍總兵官鎮守遼東

辛卯謚萊陽王勤堦曰莊懿

裁長蘆運司儒學

壬辰巡閱御史吳弘濟劾楊應宿 上怒弘濟不候處分瀆

救鐫二級調用王錫爵揭救

甲午行人高攀龍上言大臣則孫鑰李世道趙用賢去小臣

則趙南星陳泰來顧允成薛敷教張納陛于孔兼曾巖斥近

李楨魯乾亨復乞去選司孟化鯉等又斥去中外俱曰輔臣

不附已則曰近侍不利用正人果謂出於聖怒則諸臣自化

鯉而外亦未見忤旨何以皆至罷斥 皇上有去邪之果斷

而左右反得行其媚嫉之私 皇上有容言之盛心而臣下

反遺以拒諫之誚其為聖德累不小也

丙申左都御史孫丕揚覆楊應宿激而嫚罵高攀龍踈而易

言均宜處命降應宿湖廣按察司經歷攀龍揭陽典史乃諭  
建言諸臣時事艱難不求理財足兵等實政乃誣捏是非部  
院公論所出今後務持平覈實

戊戌定臺差法孫正揚等言舊御史巡按始必中差滿而得  
代輪次遍擬近者多變乞仍其舊順天即近不專資深以防  
擇人廣責即遠不遺初授以防擇地江浙即大不再酌差以  
防擇差不中差者非甚缺人不按差不歲深者雖甚遠不擬  
代不循次者非果南北原籍不易處 上善之著為令

己亥御史黃紀賢等奏救吳弘濟奪首俸一年餘七月降弘

濟極邊雜秩

御史周維翰言川兵戍朝鮮冬間被殺傷數百不報命宋應

昌按之

庚子給事中吳文粹等奏救吳弘濟奪首俸一年餘八月弘

濟削籍

有囚盜兵仗局庫銅計千餘金刑部擬斬系雜犯送司禮監  
充淨軍 上謂當斬疑司官賈賄請外

十 仁 庚戌朔御史宋興祖言各塞零級宜類報省直荒盜宜預  
防武舉孫如皋清奏朝鮮事大謬宜罪戶部郎中鄭材訐奏

李栢宜調 上從之調材南京

癸丑禮部左侍郎范謙教習庶吉士

丙辰主錫爵以 皇長子出閣傳買金玉三十餘萬乞停止

臣意明諭部臣即丹立錢糧令從容辨納

改武訥吏部右侍郎

命顧養謙往遼東料理歸軍

命經略宋應昌提督李如松還朝改顧養謙經略

談遷曰司馬懿攻公孫淵於遼東道四千里計往百日攻  
百日還百日以六十日為休息一年可矣閔白之役得無

類之乎然而還師之遽也何遽乎曰碧蹄雖敗李將軍僅

二十騎略地中伏得以身免意外小挫全師自如而果李

將軍賈余餘勇鼓行而前王京且立下無如李將軍之饒

也倭棄王京亦奪於平壤之戰攻難守易少易其所難攻

卷甲去之非果中沈惟敬之餌也殆惟敬括舌如波濤倭

亦且前且卻趨趨進退未即回巢其心豈一日忘朝鮮哉

我師四萬人聚之則強散之則弱宜耀武王京之南少需

歲月彼知官勢內虛其叛亦速後埃再舉於勢尤難惜乎

撤兵之早徒恃細人熒亂天討是以有異日之勢也



辛亥前少保禮部尚書徐學謨卒學謨字叔明嘉定人嘉靖  
庚戌進士授禮部主事歷儀制郎中著聲出知襄陽與景王  
爭沙市襄人德之累進尚書治壽宮招議而申時行終徇之  
居鄉未慎致奪廕

乙卯閣臣請 皇長子冠禮 上命常服出講俟冊立後冠  
之

己未命順天尹禱雪

辛酉太僕寺卿孫鏜卒予祭葬 隆慶戊辰進士  
王錫爵請故卜

國子祭酒曾朝楫為少詹事

壬戌楊濬為署都督僉事總兵官鎮守陝西

甲子孫繼皋為禮部右侍郎

戶科給事中吳應明言東征當少增糧餉不當請還兵當屯  
朝鮮之可黍可稻務為耕種留兵協守開平王京以固其防  
不當散守各路諸嶺以分其勢而胡為遠議撤手撤兵之議  
起於如松宜宣慰如松務拒倭歸巢仍諭宋應昌移駐王京  
章下兵部

乙丑召禮部尚書羅萬化

清豐知縣周玄暉為南京雲南道御史玄暉謁吏部抗言不  
宜南部劾降三級請

戊辰湖廣崇陽諸生王廷試父仰知閩縣僕王效真等毒之  
奔其喪訟未決廷試忿甚手刃逆僕上貫之不為例

庚午南京道御史蕭如松言臣為貴陽府推官嘗往勘

播州楊應龍稔知其人無他端上是之遂免遣官

蔡國珍為吏部尚書

蠲東昌登萊田租

辛未南京刑部郎中譚一召主事孫繼有劾王錫爵錫爵求

去不允一召削籍繼有降

癸酉宋應昌引疾不允

丙子進宋應昌兵部左侍郎起李汝若侍郎

丁丑改陸可教國子祭酒趙參魯為吏部左侍郎

浙江道御史劉曰梧言歲中京營如鄭洛以未任而予告蹇  
達以未任而憂去南京戶部尚書周世選以六月任十一月  
改兵部徐元泰以十一月任不二月陞尚書如陳有年蔡國  
珍皆不半歲而遷朱鴻謨以四月廷推七月受任不五月而  
遷夫將之才武兵之精練軍中之大利大害非旦夕所能察

如不能其官不宜驟陞如能其官則當此日何數遷徙也  
是年巡撫雲南右僉都御史陳用賓於騰衝築一城曰萬仞  
曰神護曰巨石曰銅壁曰鉄壁曰虎踞曰天馬曰溪頭設守  
備二自是緬甸人不敢深入廣西知府漆文昌力也  
烏祿襲烏蒙知府

